


# LESA UKUILANGISHA UMWINE

## EKA NE MIBELE YAKWE

 Nacibafye uwasunguka ukumona cibusa wandi, Yosefu Boze palya, kabili Na cipilibuka nokusenda akashita akanono ukuposhanya mumaboko yakwe.

<sup>2</sup> Natwisule mu Cebo cakwa Lesa, ku ba Hebere, chapitala 1. Ndefwaya ukubelenga, icipandwa, ca 1, ica 2, neca 3 ama versi, pakufumyapo isambililo munshita ino iya bushiku.

*Lesa uyo munshita shakale kabili mumisango iya pusana pusana alandile munshita ishakale kuli bataata ukupitila muli ba kasesema,*

*Lelo pa mpela ya nshiku shakulekelesha alandila kuli ifwe mu Mwana wakwe, untu asonta ukuba impyani yafintu fyonse, muli uyo wine pamo apangile ifyalo;*

*Ena pakuba ukubeka kwa bukata bwakwe, kabili icipasho ca musango wakwe, kabili aikatilila ifintu fyonse ne Cebo ca maka yakwe, ilyo ena acitile . . . aikala kukuboko kwa kulyo kwa Mfumu ya pulamo;*

<sup>3</sup> Leken i tukonteke imitwe yesu nomba nokupepa. Kabili nomba mu Kubapo Kwakwe ukwa maka yabu Lesa, nga cakuti naukwatera ica kwipusha mu mapepo icili conse ico iwe wingafwaya cishibikwe kuli Ena, kuti waimyakofye ukuboko kobe, kabili ico cine eakwipusha ca mumapepo yobe, ico Lesa ala . . .

<sup>4</sup> Mwe Taata wesu uwaba mu Myuulu, ifwe twaisa ku cipuna Cenu, ne cicetekelo mwi Shina lya kwa Yesu Kristu, u Mwana Wenu. Kabili twalipelwa ici icakushininkisha, ukuti, “Nga twaipusha icintu conse mwi Shina Lwakwe, cena cili noku fikilishiwa.” Kabili Mwalishiba ukukabila kwesu nefyo tufwaya, kabili Mwalilaya ukuti Muli nokutupela fyonse ifyo tulfwaya. Eico, mwe Taata, naifwe twapepa nga fintu Mwatweba, “Ubufumu Bwenu bwise. Ubufwayo bwenu bucitwe pano isonde, nga fintu caba mu Muulu.” Ukutila ukwipusha kwesu, muno nshita ya bushiku, kube umwabela ukukabila Kwenu ukwa kupela ico, kabili no kupela kuli ifwe ishi nsambu. Subeni i Cebo, Shikulu, nabakulanda nabakumfwa, kabili lekeni Mupashi wa Mushilo esemo kabili abe kacita wa Cebo, munshita ino iyabushiku, pakati kesu. Pantu ifwe twaipushafye ici mwi Shina Lyakwe. Amen i.

Kuti mwaikalako.

<sup>5</sup> Mailo ulucelo, Ning'umfwa, kukaba umwikulo waba Shimakwebo Baume uwa Mwisulo wa Mbila nsuma. Ilingi line, epo bakwatila chapitala, Nda kwata insambu shakulanda pa mwikulo wabo. Pali iyi nshita, ilyo ebumba fye limo, ilishaba akabungwe, lelo, ibumba fye limo ilyo Na—Na bamo, lyaba shi Makwebo Baume abena Kristu. Kabili nomba Nda balandilako bena, mu fyalo.

<sup>6</sup> Nomba, munshita ino iyabushiku, tulecetekela ukuti kuno kulongana takwabe apafye. Naisa kuli imwe, uwanaka, napa mukoshi pale-sesa, kabili nalipokelelako umuti wa cifuba ukufuma . . .

<sup>7</sup> Mfumine ku Tucson uko icine cine kusuma kabili ukwauma, kabili Naisa kuno uko icine cine kusuma kabili ukwabomba, eico kuliko ukupusana ukwaibela. Ngafintu imwe bonse mwakwata amenshi kuno, nga kuti imwe mwatutuminako kulya, kuti ifwe twatotela pali ico. Lelo imwe tekuti mucite ico, ifyo fine.

<sup>8</sup> Lelo Nde mweba icintu cimo, kwali umulumbe kulya. Fyonse ifyesu—ifyesu—ifyesu ifintu mu Arizona, ifimuti fyesu, fyaba no bulimbo. Icintu conse calikwata ubulimbo. Cena nipamulandu wakuti kwalyuma. Nomba nga kuti ilya imo ine impanga yamenene kuno, yena kuti yaba iisuma na mabuula ayasuma. Mwamona, yena yaba ukwabula amenshi, uyo wine emulandu yakwatila ubulimbo.

<sup>9</sup> Kabili lintu i chalichi caba ukwabula Amenshi aya Mweo, cena ciloma no kulambatila, pamo, ukulambatila no kutula icili conse. Lelo apo amenshi ya Mweo yapita, yena yalesula ibuula nokulilenga ilyanakilila, ilisuma kabili ilyawama, ilya mushilo kabili ilya pokelelwa kuli Lesa. Eico lekeni Shikulu Lesa atatupilishe, munshita ino iyabushiku, ukutila twiba ba kalambatila; lelo tube amabuula ayasuma ayakutila abantu abafuma munshila bengekala mwisamba lya cintelwe ca cimuti nokusanga ukutusha kwa myeo yabo.

<sup>10</sup> Nomba Nde fwaya ukubula isambililo, muli ino nshita ya bushiku, nga cakuti Shikulu ngaasuminisha, kabili Nde tinta ici icisoselo cinono mu pepifye Naine, pamulandu nokubulisha kwe shiwi. Nde fwaya, ukufuma mukubelenga pano mu ba Hebere 1:1, Nde fwaya ukufumyapo umutwe wakuti: *Lesa Ukuilangisha Umwine Eka Ne Mibele Yakwe*. Lekeni Mbwekeshepo ico nakabili, pantu Ninjishiba imyumfwikile taili bwino pano. Lesa ailanga Umwine eka ne mibele Yakwe.

<sup>11</sup> Nomba, icikankala icintu conse cishibikilwa ku mibele yaciko. Kabili Ninkwata Amalembo ayanono pano ayo Ndefwaya . . . nakabuuku, ifyo Nakulasontelako. Nomba, imibele yacintu conse eilangisha ifyo cena caba.

<sup>12</sup> Nomba, kwati ni mucifyalilwa, amaluba yeshibikilwa, imiku iingi, ku mibele yayako. Nga cakuti nayapalamana capamo, aya musango umo wine nakuli yambi, imibele ya lilya lili

nokulangisha ifyo ilyo iluba lyaba. Kabili mubwikashi bwanama sha mu mpanga, imiku iingi . . .

<sup>13</sup> Ndi—Ndi fundi. Iwe ufwise waishiba imibele ya nama intu ulelunga, nangu inshita shimo shimo kuti iwe icine cine wabepekwa. Mucakumwenako, kwati nge Cipomo Mabwe kulya ku British Columbia. Nali pesamba lya Yukon abye mwaka wafumineko, ba munyinefwe abengi pano naali pamo nabo, kabili twalelunga.

<sup>14</sup> Nomba nga cakuti tawaishiba ubupusano, lintu ulelondela impaanga nangu insebula, iwe teti umonepo ubupusano kano iwe waliba fundi uwacenjela. Pantu, shena umo shinyantile mubafye cimo cine; shena shilabungana ilyo shilebutuka ukuya. Kabili iwe wamona imo naiminina apataali, naifisa no mutwe, mulandu nshi, iwe—iwe tekuti wishibepo no bupusano. Shena shalilingana amafumbi ukufika na kunuma; yali buuta, kwatifye ni nsebula. Cena cintu caafyako ukushilondolola. Lelo amasengo eyalangisha imibele ya shiko, ukupitila mu masengo yashiko. Impaanga yalikwata amasengo aya potama, kabili ne nsebula yalikwata amasengo ayataali ayatwa ku ntanshi. Kabili icintu cimbi, insebula teti ifike palya pamuulu, ukulya.

<sup>15</sup> Kabili nomba imbushi, ileenda, pamo, mwaliba imibele mu mbushi, ne mpaanga, iyo ufwise ukwishiba muli shena ubupusano, lintu iwe waya pa muulu, pantu shonse shibili shikala pa muulu pa lupili. Iwe ufwise waishiba ubupusano. Lelo nga mwamona, i—i mbushi ilaipununa yena yeka palwaiko ilyo ileenda; ilintu, impaanga yena ilabika amakasa yaiko *ngefi*, ilyo ileenda. Imibele iyo yena ipangilamo amakasa yaiko umo ipitile. Iwe kuti waishiba inama yobe ukupitila ku mibele intu icita, na fintu yena ilya, kabili nefyo ilya, na fyonse. Yena ishibikilwa palwaiko ku mibele yaiko. Kabili nomba iwe ngawatoloshapo imo, kabili nokumona ificitika, kuti walanda umusango shendelamo. Iwe kuti walanda ukupitila muli ilya mibele ya nama iya pusana pusana.

<sup>16</sup> Nomba bushe mwalitala amumona, Nshishibe nga cakuti mwalikwata kuno nangu iyo, uluseba; ukuba, inseba eshina ilyalinga ilya shena, kabili na mucence. Mucence fyaba ifyalingana mukukula pamo no luseba. Kabili mulamona fyena fibili file pupukila pamo, fyena fyonse fibili fyali lingana ubukulu pa mubili ifimoneka cimo cine. Nga cakuti ukumona umutundu, lelo ufwise wafimonafye, kuti walanda icili uluseba. Mucence alapupuka, ukwangufyanya nangu panono, nge nshimu. Lelo uluseba, ukukupawila amapinda yaluko; lilya lule kupawila amapindo yaluko, lulebila panshi nokwiminina pa muulu, panshi kabili pa muulu. Mwamona, lwena palwa luko lulaipanga ukupupuka ukwangufyanya, muli uyo *musango*, kabili kuti alanda ukuti iyo e mibele ya luseba, ukukonka umusango lwena lupupukilamo.

17 Nga imwe kuti mwamona a—a kaundu ilyo kena kafuma nokwisa, umusango kena keshilamo pamuulu. Kabili nomba moneni nga cakuti muli mu ncende mwaba amenshi, umo utuundu twingekala, kabili twa—kabili twa milomo itaali. Imwe bafundi mwalishiba ico. Utwa milomo itaali utwitwa Wilson snipe no twamilomo itaali utwitwa jacksnipe, fyena filaiishiba ifine palwa fiko ukupitila mu nshila fifuminamo kabili na munshila fiilamo. Fyena fishibikilwa mu mibebe fipupukilamo no musango wafyuni untu fyena fyaba. Eico, nga cakuti iwe wafyumfwile fye, iwe kuti walanda ifyo fyaba, inshila fyendelamo, ifyo fyaba, ukupitila mumibebe fyena fipupukilamo.

18 Kwati mwaume no mwanakashi. Bonse babili bantunse, lelo umwanakashi alikwata imibebe iyapusanako ku mwaume. Na lebelenga pano, inshita ya pitapo, palwa kwa Solomoni na namfumu. Nshilati nshimikilepo i Mbila yandi inono pano, kuli imwe, pali namfumu waku Masamba, uwaile mukumona Solomoni, kabili ukumona cilya icabupe icakulingulula. Na lebelenga palwa ico, pano pene tapapitile inshita iikalamba, kabili bena batiile, ukuti, “Cimo icakusungusha icabikilwe kuli Solomoni, caali, ukutila uyu namfumu abulile umwanakashi, nangu abanakashi, ukucila, no kubafwika kwati baume.”

19 Nomba, ico caali iceni muli bulya bushiku, lelo cena icine cine eci-leci-tika, ileelo. Kabili—kabili mwalishiba ukutila cilubo. Baibebe yatiila ukuti umwanakashi tafwile ukucita ico. “Cena camuselu ku mwanakashi ukufwala icakufwala ca mwaume.” Kabili Lesa uushicinja ewalanda ico, eico ico cacine.

20 Eico tulesanga ukuti Solomoni, talebatambafye bena, abalengele ukwendako nangu ukucitapo ifintu fimo, kabili na palya penefye atiile, “Bena banakashi.” Mwamona, ena alandile ukupitila mu mibebe ya ulya mwanakashi, umusango ena alecitolamo palwakwe, ukutila ena mwanakashi te mwaume.

21 Kabili nomba ne cintu conse muli uyo wine musango, ne mibebe yaciko. Nga fintu abantu abengi babomfya amaboko-yakukuso, naya-kukulyo. Bena imibebe yabo yabela mu musango bacitilamo ifintu palwabo. Iwe kuti waishiba nga cakuti umuntu abomfya ukukuboko kwa kukulyo-nangu umuntu abomfya ukuboko kwa-kukuso, ukupitila mu musango bacitilamo ifintu pa lwabo, mu musango bekatilamo ifintu lyonse na kulya kuboko kwa kukuso nangu ukwa kukulyo.

Kabili mwibukishe, Yesu alikwete icintu cimo ngefyo, ico . . .

22 Amaboko yabili yabafye mupepi. . . Yena yaba cimo cine. Yena yakwata ififwatiko fya fikumo fimo fine, ififwatiko fya minwe, iminwe isano; iinono, iyakonka pacikumo, kabili nefyaba ngefyo. Pamofye nga fintu ukuboko kwa kukuso umusango umo wine uwaminwe, mukumoneka, amaboko ayalingana, bwino bwino. Kabili ubupusanofye bumo ubwa bapo, muli

yena, cakutila kumo kwa kukuso nakumbi kwa kukulyo. Ubo ebupusano fye bumo iwe winga landa. Kumo kwa kukuso, na kumbi kwa kukulyo.

<sup>23</sup> Eico nomba muli ico, Yesu atiile...kuti Ine naposamo icikomo cinono pano. Yesu atiile, muli Mateo 24 ukuti, “Imibele ya Mupashi iili nokuba umusango umowine iyapalana mu nshiku sha kulekelesha, iya palana ngashi ukuti kuti wa bepa na balya bene abasalwa nga cakutila kuti cacitwa.” Mwamona, bena kuti cabafye...

<sup>24</sup> Iwe wabuula ukuboko nokukwimya fye mu muulu. Mwamona, nga cakutila tauloleshe ukumona, kumo kulemoneka kwati ni kulya kumbi, mu musangofye onse, lelo kumo pali ayo ni kukuso na kumbi ni kukulyo.

<sup>25</sup> Ifyo fine eflyo ne mipashi iili mu nshiku shakushalikisha. Yena iili mu musango umo kwati naipalana, lelo yena naikwata imibele imo iilelangisha yena. Umo naulungama na umbi naulubana, kabili kuti waishibikilwa ku mibele yauko.

<sup>26</sup> U Mupashi wakwa Lesa kuti waishibikwa ne mibele Yauko. Mwamona? U Mupashi wakwa Lesa, kabili no mupashi wa chalichi. Kwaliba umupashi wa chalichi, no Mupashi wakwa Lesa uyo tawaba mukupwililika ngo mupashi wa chalichi, nakalya.

Kwaliba umupashi wa cilonganino.

<sup>27</sup> Kwaliba umupashi wa calo. Kwaliba umupashi wamu calo. Icalo conse, lintu Ine nayamo, na endamo mulya kuti wasanga umupashi wapusanako. Ine naile ku Finland, abantu abasuma, lelo kwaliko umupashi waci Finnish. Naile mulya mu Gelemanu mwaliba umupashi waci Gelemanu.

<sup>28</sup> Pano tapapitile inshita iitaali, Naleyana pamo nomukashi wandi, lintu ninshi twaleikala mu Indiana, imyaka iingi iyapitapo, twaleyana kulya kwishitolo likalamba. Ine elyofye naishile ku ng’anda. Twaile ukuti tuye tushiteko ifyakulya. Kabili mu nshila yandi iyakulya kulya, twa...Cena caali ni mulusuba, imwe limbi tekuti mucetekele ico, lelo twasangile namayo nafwala indeleshi. Kabili caali icintu iceni, Ine...Cena caali nsungwishe. Na—Na tiile, “Lolesheni palya, cilya cilemoneka iceni, ulya namayo nafwala indeleshi.” Bonse abashala bafwele ifyakufwala ifyo ifishali...ifi shaweme ku mwanakashi. Kabili—kabili ena atiile...Natiile, “Nakuba, ulya mupashi wacina America, mwamona, umupashi wacina America.”

<sup>29</sup> Nomba, umupashi wacina America, wena u...ufwile ukuba uwa calo ca bwina Kristu, lelo umupashi wa ici calo te wa bwina Kristu. Cena kuti cileitwa icalo ca bena Kristu, lelo cena caba ama milioni ba mailoshi ukufuma kuli cena, mu mibele. Eico, kuli uyu mwanakashi, Natiile...

Ena atiile, “Ukuba, bushe ifwe tatuli abena America?”

<sup>30</sup> Natiile, Ine natiile, “Iyo. Twikala muno. Ici ecalo cesu. Ifwe—ifwe—ifwe twikala muli cena. Twali citemwa. Cena calo icisuma mwisonde. Lelo, cibe, ifwe tatuli abena America.” Natiile, “Ifwe twafyalwa ukufuma mu Muulu. Mupashi wa Mushilo alikila pano panshi, Kabili ifwe tuuli ba mu Bufumu. Te bwamuno muli lino isonde.” Natiile, “Uyo wine emulandu untu ba nkashi yesu bafwalila indeleshi, nokukwata imishishi iitaali, tababika-kalaso. Mwamona, imibele yabo ilangisha ‘bu mushilo kuli Shikulu,’ ukufuma ku Muulu.”

<sup>31</sup> Eico tulefwaya Ubufumu. Tulefwaya i Mfumu ukwisa nokupokelela abantu Bakwe aba Mubufumu Bwakwe. Kabili bena beshibikilwa ku—ku mibele yabo, ukutila ifyuma fyabo tafyaba pano pali lino isonde nangu muli cino calo. Cena ca mu muulu, mu Bukata. Eico, bena, “Balolesha ku Musumba Uyo Kakula kabili Kapanga ni Lesa.” Bena balishibikwa bwino bwino.

<sup>32</sup> Ndekabila nga Na cikwata ishiwi ilya linga ilyakushimikilako kuli imwe muno nshita yabushiku. Lelo Na—Na fumako kuli ico. Nomba, ukwishibikwa ku mibele yaiko.

<sup>33</sup> Tulesanga icakumwenako pano icisuma mu nshita yakwa Israeli, baishile mu calo ca bulayo. Kabili Lesa abetile umwabela ubulayo Bwakwe. Ena aebele Abrahamu ukuti, Ena aali. . . ulubuto lwakwe luli nokuba muli ici calo iceni, pamyaka imyanda ine, kabili nomba Ena aali nokumupususha no kuboko ukukalamba ukwa maka, kabili bali nokuya ku calo, nomba, ico icalaiwe, icalefumfumuna umukaka no buci. Kabili nomba lintu inshita ya bulayo yapalamine mupepi, kwaishile uyu—uyu Farao uushaishibe ubupyungishi bukalamba ubwa kwa Yosefu ubo akwete pakati kabo.

<sup>34</sup> Kabili, uyu, Lesa aimishe kasesema uweshina lya Mose. Kabili uyu muntu afundilwe mu mano yonse aya bena Egypto. Takuli ukutwishika lelo ena aali umukalamba, uwacenjela, umuntu wa mano, pantu alefunda abena Egypto amano. Amoneke ngo muntu uwalinga bwino bwino—umuntu uwalinga ukupususha.

<sup>35</sup> Lelo, imwe mulemona, ico ifwe tuleita ukupususha, na cintu Lesa eta ukupususha, palibapo ubupusano.

<sup>36</sup> Nomba moneni uyu muntu na fyonse ifya kukonka. Ena aalishibe ukuti ewafyelwe ukulubula abana bakwa Israeli. Cibe namasambililo yonse ayakwe, ifyo eflyo ena aishibe palwa ico, kabili nokwishiba ukutila ena aartilwe na Lesa ukubomba umulimo, ena onse akwete pa lwakwe. . . Ena aali kwete Bachelor of Art, na Ph. D., na LL. D., kabili nefyaba ngeflyo. Kabili ena aaile nokuya lubula Israeli, kabili afililwe apakalamba.

<sup>37</sup> Nomba moneni, camoneke kwati, ena pakunyanta ulukasa lwakwe pa cipuna ca bufumu mu Egypto, ukuba Farao, ukutila ena engalubula abana ba Israeli panuma ena aba Farao, pantu ena ewakonkelepo mu mulongo wa—wa kwikala pa cipuna. Lelo, mwamona, ukuti, mukucita muli uyo musango, taali uwaishibikwa mumibele yakwa Lesa ukulubula abantu Bakwe.

<sup>38</sup> Ena atiile Aali no kubalubula bena. *Ena* aali “nokubalubula bena no kuboko ukwa maka,” te Mose na bashilika ba nkondo aba maka, lelo ni Lesa nokuboko kwa maka.

<sup>39</sup> Tulesanga ukuti uyu kasesema alibutwike no kuya mu matololo pa myaka amakumi yane. Cena casendele Farao imyaka amakumi yane ukubikama amasambililo muli ena, kabili casendele Lesa imyaka amakumi yane ukufumyamo ayo muli ena. Eico tulesanga, ubushiku bumo, ukuti ena, kulya ku numa ya ciswebebe, akumenye Shikulu Lesa mu cimpukusa icalepya, mu mibele ya Ntumba ya Mulilo iyali mu cimpukusa. Kabili balimwipwishe ukufulako insapato shakwe, pantu, pa mushili apo ena aiminine pa mushilo. Nomba lolesheni pali uyu umusuma, uwaba ne mibele yacifyalilwa, umuntu uwasambilila, efyo ena aali, moneni ukucinja kwa mibele yakwe panuma akumenye Lesa. Ena acitile icintu icikankala . . .

<sup>40</sup> Inshita shimo Lesa alacita ifintu munshila imo iya kuicefya, kabili inshila iyabulamo amano, ku kutontonkanya kwa bu mubili. Moneni umuntu uwali kafilwa uwapwililika; nabankondo bonse ababulwi bamu Egypto nafyonse ifya musingulwike ena ukucita ubufwayo bwakwa Lesa, pamo namasambililo yakwe yonse, pamyaka amakumi yane iyakufyalwa, munshita yakukosa kwakwe. Pano ena ali, nemyaka amakumi cine konse konse iyakufyalwa, mulucelo lwakonkapo, nomukashi wakwe nanina naikala pampongolo, nalela nomwana, nenkonto mukuboko kwakwe, aleya ku Egypto, mukutungulula. Ulelanda pa cintu icabulamo ubuyo! Lelo cilya cali ukulangisha imibele yakwa Lesa, pantu Alikwete umuntu uyo uwacetekele i Cebo Cakwe. Epela. Efyo ici cintu caali, bushe kuti waingililamo umuntu-umo ukwingilila ku maka ukuya ku Egypto, uko, abankondo babulwi bafililwe? Lelo ico caali cintu nshi? Mibele yakwe, inshila shakulwilamo shalicinjishe. Ena ailile mwi Shina lyakwa Shikulu, “NABA IFYO NABA.” Ico icintu caali, ena apokele ku maka. Efyo acitile, pantu aleya mu Maka yakwa Shikulu.

<sup>41</sup> Munshila yakwe, aletungulula Israeli ukuya ku calo ca bulayo, aishile kumana pamo na munyina wakwe, munyina wakwe uwa mucilonganino, Moabu. Nomba, Moabu, munshila yonse, baali abasenshi. Abo baali bana aba mubana banakashi bakwa Loti. Umo pali balya abana ewa—ewa salangene mu Moabu.

42 Nomba, kulya kwine, Ndefwaya mumone ifi fyalo fibili, mukupusanya. Pano pali Egipto, icinono, icasalangana, ukwabula icalo cakuyako, takwali abakalamba aba mufifulo nangu imfumu, nangula cimo, nangu bashimucindikwa pakati kabo, lelo balifye abantu abaleya munshila ya kucalo cabulayo. Kabili bena baile ukuputula mucalo ca Moabu. Cena cali icalungatanafye no bulayo.

43 Kabili Moabu, pamo, baali abacetekela muli Yehovah, kabili balikwete kasesema. Kabili na Israeli nao alikwete kasesema. Bonse babili balikwete ba kasesema.

44 Kabili nomba moneni, baile pancende uko uyo kasesema wa calo ca ampana aleisa mukutiipa ici calo cimbi, pantu califye nicikasendwa, ukwabula ukukwata incende iyashininkishiwa apakwikala. Eico baishile.

Kabili nokumona balya bakasesema babili: Lintu caisa mukulanda pafikomo ifikankala, bonse babili balilungike bwino bwinofye. Pantu, moneni, Balaamu, bishopu, alimwebele ukuti, “Nomba, munkulile ifipailo cine lubali.”

45 Cine lubali empemdwa yakwa Lesa, icileimininako Inkulo Cine lubali shama Chalichi, inshiku cine lubali isha bubumbo, nafimipo. Nomba moneni, cine lubali, Lesa apwililika muli cine lubali.

46 “Ifipailo cine lubali, kabili napali cimo icipailo ukubikapo u—u mutepa wanama iyatungulwa iilume.” Nomba ici cili bwino bwinofye icipailo cimo cine bakwete munkambi ya bena Israeli. Mulya bali nimu Israeli, necipailo cimo cine bakwete pano; kabili ne lambo limo line, umutepa wanama iilume no mutepa wa nama iilume; kasesema na kasesema. Ifyalo fibili, ifya pusana.

47 Icakumwenako icapwililika ica bushiku tuleikalilamo, atukwata inshita iyakwingilamo muli cena. Moneni, Lesa alecita ici mumulumbe, nga fintu twasanga mukulinganya.

48 Nomba, pamo, Balamu akabile sukusuku pali cila cipailo. Ico calelanda pa cicetekelo cakwe pakwisa kwakwa Messiya. Suku suku, impaanga iilume, ilyo elambo bakwete kulya ku Israeli; kwisamba kulya kunkambi ya mu Israeli, pamulu pano pambali...mu Moabu. I...Mufikomo ifikankala, bonse babili balilungike, lelo, moneni mufikomo ifikankala mumasambilisho.

49 Lelo umo kasesema mukambi ya bena Israeli akwete imibele yakwa Lesa ne Cebo cakwa Lesa. Aikele pamo nobulayo bwakwa Lesa ubwa ilya nkulo, pantu aali mumulongo aleya ku calo cabulayo. Mwamona?

50 Nomba, mukukonkafye ne cipandwa ca fikomo ifikalamba, Balaamu, Balaki balifye abaishibikwa nga fintu Mose aali.

51 Lelo mwamona, Mose ukuba kasesema wakwa Lesa uwalungama, te mukutilafye akwete ifipandwa fya fikomo



ifikankala, lelo alikwete ifyakwishibikilwako ifyakwa Lesa. Mwamona, ena aali pa mulimo wancito, bwino bwinofye iyo iyailawe ya nkulo ilya; teyankulo yakwa Noah, lelo iya nkulo yalipo pali ilya nshita. “Ndemitwala ku calo icilefufumuna ishiba no buci.” Bena baali munshila yabo, kabili Israeli aishibikwe pamo na kasesema wabo, Mose, pamo ne Mbila ya iyo nkulo. Imibele yakwa Lesa yaishibikwe muli Mose. I Ntumba ya Mulilo eyalemukonka ena. Ena pamo alikwete ne cikonsolwelo icalebomba; tekulandafye palwa ciko, lelo ena acibikile mukubomba. Teico icikaba; nici icilipo nomba line!

<sup>52</sup> Moneni, ena alikwete insoka ya mukuba iyo aletumpula iya malwele kabili notushishi twa malwele ku bantu, eico Mose alebomfya ubundapishi bwa Maka ya Mupashi wa Mushilo. Ena alikwete cikonsolwelo, insoka ya mukuba ukwimininako ukuti Lesa aali munkambi, kabili na bantu abalelolesha pali ilya nsoka ya mukuba baleundapwa.

<sup>53</sup> Ena kabili alikwete Icilibwe ica uminwemo icalemukonka ena. Kabili ico cali cakulangisha Lesa, ukusunga Amenshi ya Mweo pakati kabo, ukusangalala ne pusukilo, ukuti bena tabafwile lelo kuti baba no Mweo wa muyayaya. Cena cali ishakupashanya ca. . . Liya Ilibwe ilya uminwemo mu matololo cali icakupashanya Kristu uwa uminwemo.

<sup>54</sup> Nomba, bena baleenda mu mulongo wa bulayo. Ico caali ica kwishibikilwako nacimbi, icakulangisha imibele yakwa Lesa. Temulandu ifyo ifikomo ifikankala uyu umbi engaba pamo ne Cebo; ena aali uwakwete ifikomo eflyo acetekemo, ukubikapo neca kwishibikilwamo, kabili ne mibele yakwa Lesa ukuba pakati kabo. Lesa ailangishe Umwine eka. Ba kasesema babili, bonse babili bakasesema, kabili nabonse babili nefikomo ifikalamba; lelo Lesa alangishe imibele Yakwe muli Mose, pantu ena alikwete imibele yakwa Lesa.

<sup>55</sup> Nomba, nakabili, imibele yakwa Lesa iyamaka yacilapo, pantu Ena wa maka yacilapo. Lesa wamaka yacilapo. Caba icishaseka, lyonse, kunshila ya mitontonkanishishe ya muli buno bushiku. Mwalishiba ico. Lesa lyonse alapilibula inshila, intu—intu amabumba yabakapepa munkulo shonse bapitilamo.

<sup>56</sup> Kabili tapabapo inshita imo iyo umuntu nangu ibumba lya bantu bayampanya palwa liko pa mbila lelo bena balifwile kabili ukubikwa ukufumishiwapo, kabili nokukana buuka nakabili. Tamwaba mulyashi lyakale. Ba Lutherani, ba Presbyterian, ba Methodist, ba Baptisti, ba Pentecosti, nafimbipo, tabema nakabili, lintu bena baya mukuibika mumabumba ya Ico.

Lesabomba pamo no muntu umo.

<sup>57</sup> Moneni, Ena aba uwaibelako mu nshila yamitontonkanishishemo. Mwamona, twisa mukuposa mufilecitika, kabili tufwile twa Ci cetekela munshila *iyi*. Kabili nomba Lesa aisabapo ne Cebo Cakwe ico Alaya, kabili

nokuilangisha Umwine eka muli cilya Cebo. *Ili* ibumba teti liye kuli Ici, pantu talya cetekela muli Ici. Mwamona, lyena lyali ifumyako palwa liko ukufuma kuli Ici.

<sup>58</sup> Kwati ni Yosefu, ena aali mwana wakwa Davidi, umuntu umusuma, Yosefu umulume wakwa Maria. Aali umuntu umusuma, kabili takwali ukutwishika ukuti alebelenga Baibele, imifungilo, ukutwalilila, pantu. . . kabili alelolesha kuli Messiya ukwisa, kabili alingile ukwishiba ifyo Amalemo yalandile ukuti ecikacitika. Esaya atile, “Nacisungu akemita.”

<sup>59</sup> Ukuba, nomba, ena aleenda pamo noyu umukashana umwaice, Maria, limbi uwa myaka yakufyalwa ikumi limo na cine konse konse, kabili ena limbi aliko umukalambako panono. Kabili nomba lintu bena baikobekele ukuti bengopana, ena alangile ukuba nyina. Nomba ico calimukosele Yosefu ukuti ekale neco. Takwali ukutwishika lelo Maria alimwebele pakutandala kwakwa Gabriel. Lelo tulemona, inshila imibele yakwe yale mutungulwilamo, ena aalitwishike ico.

<sup>60</sup> Nomba ena asangilwe ukuba nyina ilyo bena tabalaupana. Kabili, muli Baibele, ukukandwa kwaico nimfwa, yakupolwa amabwe. Umukashana uushaupwa ukuba nyina, ena aali nokupolwa amabwe. Tamwali ubuule mu Israeli. Bwena bwalipwile. Eico tulesanga ukuti mu Malango, ciletweba ifyo.

<sup>61</sup> Nomba tulesanga ukuti, Maria, camoneke kwati alefwaya ukubomfya Yosefu nge cakufisamamofye pafyo ena acitile. Pantu, ena nga asangilwe kale ukuti aali ni nyina ilyo tabalati bopane, ninshi afwile apolwa amabwe, kabili afwile asaanga umo uwa kumucingililako ena. Kabili ico camoneke, muli conse, kwati eco ena aleesha ukucita.

<sup>62</sup> Lelo Yosefu ukulolesha mumenso yakwe ayakulu ayasuma, kabili ena alanda nokuti, “Yosefu, Gabriel alandile kuli ine nokuti, ‘Mupashi wa Mushilo akafimba iwe, kabiili neci Cintu icikemitwa muli iwe—muli iwe ca Mupashi wa Mushilo. Cena ni Lesa. Ifyo efyo Cena ciketwa, u “Mwana wakwa Lesa.”” Kabili, Yosefu, ena—ena—ena alefwaya ukucetekela ico, lelo cena cali iceni. Ico tacatalile ukucitikapo kunuma.

<sup>63</sup> Kabili ifyo efyo cili ileelo. Nga cakuti kuti ifwe. . . Nga cakuti Na likwete inshila yakulengelamo abantu ukumona ici cintu icishacitilwepo, nga cakuti cena caishibikwa ne Cebo, ninshi imibele yaciko kuti yashininkisha ifyo cena caba. Cena ni Lesa mukubomba.

<sup>64</sup> Yosefu nga alishibe ici. Ena nga alishibe ukuti, “Nacisungu akemita.” Lelo ena aali uwacishinka palwa ico. Ena talefwaya ukumuleka, mubumfisololo, lelo ena—ena aletontonkanya pakucita ico.

<sup>65</sup> Kabili nomba Malaika wakwa Shikulu amoneke kuli ena mu ciloto. Bushe walitala ausunguka umulandu ico Ena amonekele muciloto? Takwali bakasesema muli shilya nshiku.

Iciloto cabo cali icaanguka, cena tacalefwaya uwa kucipilibula. Atile, “Yosefu, we mwana wakwa Davidi, witina ukubula kuli iwe Maria umukashi obe, pantu ico icaimitwa muli ena ca Mupashi wa Mushilo.” Mwamona, nomba, ecapwishishe ico. Mwamona, Ena amonekele kuli ena muciloto, mukukonkapo. Lelo, mwamona, tapali kasesema kulya uwakwishiba cilya i Cebo, ukuti, “Uyu e nacingu ukemita.” Mwamona? Eico, icakutila, Amonekele kuli ena muciloto, pantu aali uwacishinka kabili umulugami kabili umuntu umusuma.

<sup>66</sup> Kabili Ni nctekela Lesa kuti aisa kumuntu umusuma, munshila imo ine, kabili nokwishiba ificitwa Fyakwe ulya umuntu umusuma, uwa iyo nkulo, nga cakuti ulya muntu aitwa na Lesa muli ilya nkulo.

<sup>67</sup> Nomba, lelo cena caali icishacitikapo, bena bafililwe ukucumfya. Lelo, lyonse, ukumonekela umwabela ubulayo bwa Cebo ku nkulo, fyonse ifi ifishacitikapo.

Nomba kuti kwaba abantu limbi abengaya baeshunguluka, kabili nokutila, “Ukuba, *ici* tacacitikapo, uyo ni Lesa. *Ici* tacacitikapo.”

<sup>68</sup> Lelo mwamona, cifwile caba icaishibikwa ne Cebo, kabili i Cebo e Lesa. Mwamona? Kabili nomba imibele ya *ici* icakwishibikilwako cilangisha wena ifyo aba, pantu Lesa atile, “*Ici* cili nokucitika,” kabili cilacitika. Mwamona? Imibele yaciko Cebo cakwa Lesa ukuba ica ishikwa ne mibele yaico ciletwalililapo.

<sup>69</sup> Ena atile munshiku shakulekelesha Aka pongolola Mupashi wa Mushilo. Alicita ico. Imibele yaiko eyalangishe ukuti ni Lesa, i Cebo Cakwe calilaile. Mwamona, cilailangisha palwa ciko.

<sup>70</sup> Nomba, lyonse, inshita yonse, cilalungamika icebo, lintu i Cebo calandwa mu cilubo. Bushe mwalitala amumona? Cena caali munshiku shakwa Noah, ico calungamike ilya nkulo ya scienci, ukuti Lesa aali nokuponya amenshi panshi ukufuma mu myuulu. Cena caali ni Mose, mwamona, ico calungamikwe lintu bena maikela mulya mu Egipto, kabili nafimbipo, lelo i Cebo cakwa Lesa caali nokwisa pakuti caishibikwa. Kabili nabu Cine ca Cebo ebulungamika icilubo.

<sup>71</sup> Lekeneni mipushepo icintu cimo. Twalayako panono mukushika apa. Nshi fwile ukushimikila ukufundisha nangu isambilisho, lelo lekeni imwe mwipushe icintu cimo.

<sup>72</sup> Yesu aali ni Cebo. Twalishiba ico. Baibele yatila cena efyo cali. Uwashila Yohane, chapitala 1, “Mukutendeka mwali Cebo, kabili Cebo aali na Lesa, kabili Cebo aali ni Lesa. Kabili Cebo alengelwe umubili nokwikala pamo naifwe.” Ena acili i Cebo. Nomba lintu Ena aleiluka amatontonkanyo yabo, bena balekabilwa ukwishiba ukuti ico caali Cebo, pantu i Cebo cakwa Lesa catile ifyo efyo Ena ali nokucita. Ewali Kasesema.

<sup>73</sup> Nomba moneni, tulesanga ukuti lintu Afyelwe, pa myaka ikumi limo na ibili imyaka yakufyalwa, Ena aile kumutebeto wama hema. Kabili bena baile kulya kucaku Cilila. Kabili, munshila pakubwela, baile pabulendo bwa nshiku shitatu kabili bena ba Mupushile; ukwingililamo, ukutontonkanya, ukucila, ukutunganya ukuti Ena aali pakati ka bantu babo.

<sup>74</sup> Kuti twafumyamo isambililo ukufuma muli ico. Ifyo caba nganshi na mubushiku bwaleelo! Nomba imwe ba Methodisti, ba Baptisti, ba Presbyterian, ba Lutherani, ba Katolika, ifyo ifyo mwaba, mwamona, mulecita cimo cine. Muleingililamo ukuti pantu Wesley alikwete ukupuputulwa ukukalamba, Luther alikwete ukupuputulwa ukukalamba, nangu ukuti Pentecosti alikwete ukupuputulwa ukukalamba, imwe muleingililamo ukuti Ali pakati ka bantu, lintu, inshita shimo Ena tabapo palya.

<sup>75</sup> Bena baile bale Mufwaya. Nikwisa uko ba Musamgile? Kulya kwine ba Mushile, ku Yerusalemu. Kabili lintu bena ba Musangile, cinshi ico Alecita? Umulumendo umunono, ikumi limo na ibili imyaka yakufyalwa, limbi ninshi talati engile namusukulu aishibefye eflyo nyina Wakwe amufndile; kabili pano Aali mwi tempele, balelanshanya pamo nabalya bashimapepo, palwa Cebo cakwa Lesa. Kabili amano ya uyu Mwana yali bapeseshe amano. Mulandunshi? Aali Cebo. Nomba moneni.

<sup>76</sup> Kabili nomba tekukana mipela umucinshi mwe ba Katolika mwe beta Maria nyina wakwa Lesa, lelo lekeni mulange icilubo icinono pano. Nga cakutula ichalichi cakulwa pali Maria, moneni icacitike. Nomba aishile palya kabili atile, “Oh, Ba wisu Bobe naine tu Kufwaile, nefilamba.” Moneni pali uko ukulanda, ena nomba asushishe ubunte bwakwe. Ena atile, “Ba wisu na Ine tu Kufwaile, nefilamba.”

<sup>77</sup> Moneni cilya Cebo. Aali e Cebo. Atile, “Tamwishibe ukuti Mfwile ukuba pa mulimo wakwa Taata Wandi?” Moneni i Cebo cilelungamika icilubo. Palya pene pacinso ca bashimapepo balya, ena aonawile ubunte bwakwe. Atile ena aimite kuli Mupashi wa Mushilo, kabili apa atile Yosefu e Wakwe “wishi.” Moneni cilya i Cebo bushe mwacikata mukwangufyanya? Ena aali i Cebo. Nomba, namwishiba umulumendo uwa myaka-yakufyalwa-ikumi limo na ibili teti acite ico. Aali Cebo. Ewali i Cebo calandwa ica ilya nkulo, eico icakutula imibele iyaishibikwe iyakwa Lesa yaali muli Kristu. Ale lungamika ifilubo. Atile. . .

Batile, “Mulanunshi, ifwe tuli basambi bakwa Mose.” Mwamona?

<sup>78</sup> Atile, “Nga cakuti imwe mwali basambi bakwa Mose, nga mwali Njishisha. Alebele palwa Ine. Mose atile, ‘Shikulu Lesa obe ali nokwimya Kasesema uwaba nga ine.’ Nga na Munjishiba nga cakuti mwalimwishiba Mose.”

79 Kabili, mwamona, i Cebo lyonse cilungamika icilubo ca ubo bushiku. Lelo abantu tabatemwa ukucetekela ico. Bena bekatililafye kuli ico, cimo cinefye.

80 Lelo Yesu alungamike nyina Wakwe wine. Kabili nyina Wakwe aali mu cilubo, pantu ena kale alandile ukuti aali u Mwana uwaimitwe muli ena na Mupashi wa Mushilo, kabili apa apilibula ubunte bwakwe kabili nokulanda ukutila Yosefu ewali “wishi,” aali wishi wakwa—wakwa Yesu. Nomba nga—nga Yosefu. . .

81 Nga cakuti Ewali umwana wakwa Yosefu, nga cakuti Ena Aali pa mulimo wakwa wishi, Ena nga-ali mwituuka lyakwa kapala wa mbao.

82 Lelo Ena aali pa mulimo wakwa Taata Wakwe, mulya mwine mwi Tempele, alekalipila tulya utubungwe. Mwamona? Ena aali pa mulimo wakwa Taata Wakwe, Umulumendo fye uwa myakayakufyalwa-ikumi limo na ibili. “Tamwaishiba ukuti Mfwile naba pa mulimo wakwa Taata Wandii?”

83 Bushe mwalimona lintu Yesu aleeshiwa na Satana? Imibele Yakwe kulya, lintu Aali mukweshiwa Kwakwe, yamengele Ena ukwishibikwa ukuti ni Lesa, pantu Aikele ne Cebo. Mwamona? “Ca lilembwa,” Satana atile.

Yesu atile, “Cena calilembwwa pamo,” aikele bwino pamo ne Cebo.

84 “Lesa munshita shakale,” twa belenga apa. “Lesa, munshita shakale,” isho ninshita shakale, “mumisango iyalekanalekana,” munshila ishingii, “aleilangisha Umwine eka kuli ba kasesema Bakwe ukupitila mufimonwa.” Iyo eyali imibele yakwa kasesema, yali ilyo asobela ifintu kabili fyacitika. Nomba iyo eyali imibele iyakuilangishishako iyakwe, ukutila Lesa aali pamo nankwe. Nomba ico calemupela insambu isha kupilibula i Cebo cabulya bushiku, pantu, “I Cebo cakwa Lesa cisa kuli ba kasesema,” imibele yakwa kasesema, iyo Ena asobele.

85 Baibele yatila, “Nga cakuti kwabako umuntu umo, kabili fintu alanda fyaisa fikilishiwa, ninshi mfwile mwamumfwa; lelo, nga cakana ukufikilishiwa, mwi mucetekela, tamufwile mwamutina, lelo Icandi. . . nga—nga i Cebo Candi tacili muli ena. Lelo nga cakuti caisa fikilishiwa, ninshi i Cebo Candi caba muli imwe.” Ico eca kwishibikilwako. Iyo emibele yakwa kasesema.

86 Nomba, Lesa, munshita shakale, ifyo Ena alelangisha imibele Yakwe iyo iyakumwishibilako Palwakwe ku muntu, ukupitila mukulanda kwa muntu uyo uwitwa kasesema. Nomba, Baibele ilanda ukutila, “Lesa, munshita shakale, mumisango iyalekana lekana, alanda kuli bataata ukupitila muli ba kasesema.”

<sup>87</sup> Twabelenga pamo, mulya muli Petelo Wacibili, ukutila i Cebo cakwa Lesa calembelwe na bena. “Umuntu wakale uwaletungululwa na Mupashi wa Mushilo, ewalembele Baibele.” Baali niba kasesema. I Cebo caishile kuli bena kabili eba Ci lembele, ukucilemba, pesamba lya kusubwa. Mukubalilapo bena bali bakasesema baishibikwa, ilyo bena—bena balembele i Cebo cakusubwa, kabili balikwete Amaka ya Mushilo pakupilibula pantu Lesa ewali mu muntu.

<sup>88</sup> Nomba iyo enshila Ailangishe Umwine eka mumibele Yakwe iya kwishibilwako, ifimonwa fyabo ukuba ifyashininkishiwa muli bena, mwali imibele yakwa Lesa muli bena, ukuilenga Umwine eka ukwishibikwa ku bantu.

<sup>89</sup> Nomba, iyo inefye enshila Abelelemofye muli Kristu. Kasesema aalifye akapapatu akanono. Kristu ewali umwisulo wakwa Lesa. Kabili Lesa aali muli Kristu, alewikisha isonde ku Mwine eka. Kabili imibele Yakwe eya Mulangishe, ifyo Ena aali, mucakuti Ena atile, “Nga cakuti Nshicitile imilimo yakwa Taata Wandu, ninshi tamufwile mwacetekela ico. Nga cakutila Nshikwete imibele yakwa Taata Wandu, ninshi tamufwile Mwacetekela, tamufwile ukucetekela ifyo Ndelanda. Nga cakuti Nshikwete imibela yakwa Taata muli Ine, ninshi tamufwile ukucetekela Ico, nakalya.”

<sup>90</sup> Nomba, imibele Yakwe taicinja. Lesa teti acinje imibele Yakwe, ukucila pafyo—ukucila pafyo—i mpaanga inga cinja imibele yaiko, nangu icintu cimbi ifyo cinga cinja imibele yaciko. Pantu, apofye cena cili mucakubalilapo, cena cakubalilapo. Kabili nga cakuti wacinja icili conse, ninshi iwe naucinja cena ukufuma mucakubalilapo.

<sup>91</sup> Cena cili kwati iwe wabula i—i nkumba, kabili nokuisamba ilya nkumba kabili—kabili nokuipenta kufikondo, nga fintu banamayo bacita, kabili nokuipenta na kalaso wapa milomo, kabili nokuifwika ilya ilisuma. Nokuileka ilya nkumba ukuya, ena kulungamafye kulya kwine kumatipa, kabili ukuya mukuifumfunya nakabili. Mulandu nshi? Ena ninkumba, epela. Lelo, kabili lelo, namwishiba, imwe tekuti mulenge. . .

<sup>92</sup> I mpaanga tekuti icite ico. Yena tekuti ingilemo muli yalya amatipa. Yena tayakwata nangu cimo icakucita nayena pamo. Yena emibele yaiko. Mwamona? Kuti mwaifwika ifyakufwala fya musango umo wine, lelo mucishinka tekuti, mucishinka tekuti ayemo. Icakunse tacisakamika; kano icamukati. Nomba, Lesa ukuba intulo ya mweo onse. . .

<sup>93</sup> Mwipusa ici. Ndeesha naconse icili muli ine, ukumilenga imwe ukumonapo icintu cimo. Mwamona? Cena cakubusuma bwenu bacibusa. Cena capa—capa lubali lwenu. Mwamona?

<sup>94</sup> Nsha cisa kuno ukuti njise mukumonwa. Nsha cisa kuno, pantu takwaciba kumbi ukwakuya. Nacisa kuno pantu Na citontonkanya ukuti njise kuno. Nacumfwa

ukutila ubupyangishi bwakwa Shikulu ubo ampela bufwile bwalangishiwa pakati ka bantu pano, kabili Ndeesha ukumilenga ukumona fintu Lesa aba nomba. Ena Cebo Cakwe icalaiwa. Ena lyonsefye Cebo, kabili Eshibikilwa Umine eka ku mibele intu Alaile. Imibele imo kuti yaima pakashita kamo, umo ni mu Cebo, nomba imibele ya uyu muntu uufwile ukwima ishibisha cilya muli ulya muntu.

<sup>95</sup> Uyo emulandu Yesu ali nokuba Untu Ena aali. Bena nga balicimwene. Tecakupapa ukutila bena baali impofu. Icintu . . . Atile, nangula Acitile ifisungusho ifingi nganshi, lelo bena bakene ukucetekela, pantu Esaya atile, “Balikwata amenso kabili tabamona, na matwi kabili tabomfwa.” Mwamona? Yonse inkulo, te nkulofye Yakwe; lelo inkulo yonse, shani, “Lesa, munshita shakale, mumisango iyapusana pusana,” nalyo line bena balifililwe ukucikwata ici.

<sup>96</sup> Nomba, imibele Yakwe taifilwa. Yabafye cimo cine lyonse. Nomba, ibukisheni, imibele Yakwe, imibele yakwa Lesa, teti ifilwe. nga cakuti Yafilwa, ninshi Lesa nafilwa. Kabili Baibele atile, mu Bahebere 13:8, ukutila, “Yesu Kristu aba cimo cine mailo, ileelo, no muyayaya.” Eico, Ena ni Lesa uushicinja. Yonse imibele Alimo kukutendeka, imibele Yakwe yabafye cimo cine. Munshila yonse intu Abombelemo, inshita yonse intu Acitile icintu conse, Acitafye munshila imo ine inshita yonse. Nga Tacitile ico, mibele Yakwe icinjishe, mwamona, kabili imibele Yakwe kuti yalangisha icintu cimo ico icishaba icakwa Lesa. Mwamona? Kanshi teti twishibe ukwaku . . .

<sup>97</sup> Nga fintu Paulo alandile, “Nge penga lyapela iciunda icishaishibikwa bwino bwino, ninani akeshiba ukuipekanya ukuya ku bulwi, nge penga lyapela iciunda icishaishibikwa bwino bwino?” Nomba ipenga nga lila ukuti “bweleleni kunuma,” ifyo efyo tufwile ukucita, ku bwelela kunuma. Nga ipenga lyalila ukuti “sanseni,” ifyo efyo tufwile ukucita, ku sansa. Nomba Ipenga cinshi? Cena Cebo cakwa Lesa. Cena cilenga Lesa ukwishibikwa, nga cakuti ici—nga cakuti “kabiye, ikala panshi, bwekela kunuma, bikeni ifyanso,” fyonse fintu cingaba. Ico ciunda ce Penga lyakwa Lesa.

<sup>98</sup> Kabili iciunda icishumfwika bwino bwino, lintu Baibele yalanda icintu cimo cifwile ukucitika; umo umuntu atile, “Oh, ico camu bushiku bumbi, ico.” Ninshi ico ciunda icishaishibikwa bwino bwino. Ninshi tawishibe ifyo ulecita.

<sup>99</sup> Yesu atile, “Na likwata amaka yakubika u mweo Wandu nokuwimya nakabili.” Tapali iciunda icishaishibikwa bwino apo.

<sup>100</sup> Namayo atile, “Twalishiba ukuti Messiya akesa; kabili lintu Akesa, Akatweba ifintu nga fintu Acitile.”

<sup>101</sup> Atile, “Nine Ena.” Teciunda cishumfwika bwino bwino apo. “Nine Ena.” Uh-huh! Ameni.

Batile, “Bataata balile manna mu matololo.”

<sup>102</sup> Atile, “Bena, bonse, balifwa.” Atile, “Lelo Ndi Mukate wa Mweo uufuma kuli Lesa ukufuma ku Muulu.” Tapali iciunda icishaishibikwa bwino bwino. “Ndi Cimuti ca Mweo, ukufuma kwi bala Iya Edeni.” Tamuli, tamuli teciunda icishaishibikwa bwino muli ico. Teifyo iyo. Tapali icishaishibikwa bwino pali ico. Aali uwashininkisha muli fyonse fintu Alecita.

<sup>103</sup> Baibele taipela iciunda ici shaishibikwa bwino. Ilangisha imibele yakwa Lesa mukulila kwa Iko.

<sup>104</sup> Yesu atile, muli Yohane Washila 10:37, “Nga Nshicitile imilimo yakwa Taata Wandu, finshi . . . kabili Nshikwete imibele yakwa Taata Wandu, ninshi mwicetekela muli Ine. Ifi fyabafye fimo fine, efilangisha imibele Yakwe muli Ine, imibele Yakwe.”

<sup>105</sup> Pantu, Taata e Cebo, “Mu kutendeka kwali Cebo, kabili Cebo aali na Lesa, kabili Cebo aali ni Lesa,” kabili imibele yakwa Lesa yalangishiwa ku bulayo Bwakwe ubwa nkulo iIya.

<sup>106</sup> Nomba nga cakuti Aikele munshita yakwa Mose, nga tacabombele. Kabili nga Mose ekala muli ino nshita Yakwe, nga tacabombele. Nga cakuti Aikele munshita yakwa Noah, cena nga tacabombele, nangu Noah ekala munshita Yakwe. Noah alesesemena ifintu fya bulya bushiku, kabili imibele yakwe nafintu acitile efyo aishibikilweko pamo ne Cebo cakwa Lesa. Mose acitile cimo cine.

<sup>107</sup> Kabili apa paisa Yesu, kabili i Cebo calailwe ku nkulo iyo caishibikwe muli Yesu Kristu ku mibele ya Cebo, ico caba ni Lesa. Amen.

<sup>108</sup> Ukupongolola kwa Mupashi wa Mushilo, munshiku shakulekelesha, pa bantu yawe yawe, alangisha imibele yakwa Lesa na bantu. Alilaile ico. Cena Cebo. Atile ukuti Akacita ico. Tapali uwinga cibwasha. Atile ukuti Akacita ico.

<sup>109</sup> Eico fyonse ifi fintu Alaya, ifyo efyo Acita. Cena cilangisha imibele Yakwe. Ee, mukwai. “Mwicetekela ici, mwicetekela fintu Ndelanda, nge mibele Yandi taili iyakwa Lesa.”

<sup>110</sup> Nomba moneni muli Yohane 14:12, “Uyo uwacetekela muli Ine,” Atile, “akwata icishibilo Candi, imibele Yandi. Uyo uwacetekela muli Ine, imilimo intu Ncita naimwe mukacita pamo.” Ico cilenga imibele yaba muli Kristu ukwishibikwa, ukulangisha imibele yaba muli Ena. Amen.

<sup>111</sup> Ndeumfwa uwabukapepa nomba line, nge shiwi Lyandi lileumfwika ilyakoma. Ee, mukwai. Oh, owe! Mwamona, tapali icilubo pali Ico! Umweo Wakwe! “Uyo uwacetekela pali Ine, imilimo intu Ncita naimwe mukacita.” Mwamona, ico e cilelangisha imibele.

<sup>112</sup> Cintu cimo cine Alandile: “Nge mibele Yandi tailelenga ukwishibikwa Nemwine,” Lesa muli—muli Ena, nomba Ena. . . mwi Mucetekela. Nomba, Ena pamo atile Ena kuli aishibikilwa



muli ico. Nomba, ico, nga tacilelenga Ena ukwishibikwa, Ena ninshi taaba fintu Alanda.

113 Kabili, ileelo, nga Kristu tailangishe Umwine eka, imibele yakwa Kristu itulenga ukwishibikwa nga abakwa Kristu, ukucetekela i Cebo. . . Yesu aali Cebo, eico Ena aali nokucetekela i Cebo. Kabili kuti twalanda shani ukuti tuli bakwa Kristu, kabili ukukana i Cebo icili conse icali Baibele? Mupashi wa Mushilo uwakwa Kristu ni Lesa muli imwe, kabili Ali nokusuminishako ku bulayo bonse na “Ameni.” Baibele yatile, “Ifi ifishibilo fili nokukonka abo abacetekela.” U Mupashi wakwa Lesa watila, “Ameni.” Mwamona?

114 Umo pali balya tatila, “Iyo, ifyo fyamunkulo imbi; ifyo fyali fya basambifye.”

115 “Kabiyeni imwe mwisonde nokubila i Mbila nsuma ku cibumbwa conse. Ena, konse mucalo conse, uwacetekela, ifi ifyakumwenako fikamukonka, icintu cimo cine.” “Cimo cine mailo, ileelo, no muyayaya,” imibele ileishibikwa.

116 Ico cilepanga aba Hebere 1:1 iyatile, “Lesa munshiku shakale, alelanda kubafyashi ukupitila muli ba kasesema,” ukwishiba Kristu, uwabuka ileelo, ku mibele imo ine intu Acitile munshiku shakale. Bushe mwalimona? Lesa tatala cinjapo inshila Yakwe.

117 Muli Baibele yakale, lintu kalota alota iciloto, kabili takuli kasesema mu calo ukumona ngeci ciloto nacilungama nangu iyo, balikwete inshila imbi iyakusangilamo ico. Balebula uyo muntu, uyo onse alotele iciloto, bamusenda kwi tempele. Icakucinga icifuba cakwa Aaron, uyo aali ni shimapepo mukalamba, bacikobeke ku cipanda. Kabili uyu kalota alondolwele iciciloto. Temulandu ifyo caleumfwika ukuwama, fintu caleumfwika icituntulu; nga takwali u Lubuuto lwamaka yacilapo ukusanika pali yalya amabwe, ayaleitwa Urim Thummim (Bakabelenga ba Baibele nabakutuluka); nomba, Nshilesakamana fintu caleumfwika icituntulu, tacali ifyo. Ukukana seeka kwakwa Lesa, imibele yakwa Lesa, akabile ukulangisha imibele Yakwe mumaka ayacilamo, ukulangisha ukuti Aishibikilwe Umwine eka pa mbila. Amenii.

118 Nanda icintu cimo cine muli ino nshita ya bushiku. Urim Thummim yakale yaliya, lelo i Cebo ecintu cimo cine icilangisha imibele yakwa Lesa, ubulayo bwa ora intu tuleikalilamo. Kwaliba imibele yakwa Lesa iishibikilwa kubulayo bwa ora intu tuleikalamo.

119 Ico ecipanga Lesa ukuba cimo cine nga fintu Aali. “Munshiku shakale,” moneni, “mumisango yapusana pusana, Alandile kuli ba shifwe ukupitila muli ba kasesema.” “Kabili amafunde naba kasesema baali muli Yohane; ukufuma apopene, Ubufumu bwa ku Muulu.” Moneni, “Lelo muli buno bushiku bwakushalikisha,” ukulanda icintu cimo cine ico Acitile

lilya, “ukupitila mu Mwana Wakwe Yesu Kristu.” “Lesu munshkiu shakale, mumisango yapusana pusana, alandile kuli ba shifwe ukupitila muli ba kasesema; muli buno bushiku bwakushalikisha,” ukucita icintu cimo cine, “ukulanda ku bantu (ba shifwe) ukupitila mu Mwana Wakwe Yesu Kristu.” Amubushishe Ena kubafwa, kabili Ekala muli ifwe, ukwishibikwa Umwine eka nokusobela ifintu kuli ifwe, kabili Ni kalingulula wamatontonkanyo na mapange ya mutima. Yesu Kristu aba cimo cine mailo, ileelo, no muyayaya! “Lesu, mu nshita shakale kabili mu misango yapusana pusana alandile kuli bashifwe ukupitila muli bakasesema, Lelo munshiku shakulekelesha ukupitila muli Yesu Kristu u Mwana Wakwe.” Amalemba teti yekatweko. Efyo caba bwino bwinofye.

<sup>120</sup> Nga fintu Nalanda kunuma uku, Lesu takabila umuntu onse ukupilibula i Cebo ici. Ala ipilibwila Ena i Cebo Cakwe. Nga Alanda icili conse, cilacitika, ubo ebupilibulo. Mwamona? Takabila umuntu uli onse ukutilla, “Ukuba, Ndecetekela ukuti cilepilibula *ici*.” Lesu acilenga ukwishibikwa no bupilibulo Bwakwe Umwine.

<sup>121</sup> Ni, nga ubulayo bwabulya ubushiku, teti twikalile mu lubuto lwakwa—lwakwa—lwakwa Luther, teti twikalile mu lubuto lwakwa Wesley, teti twikalile mu lubuto lwa umo pali balya. Tufwile twaikala mu Lubuuto ulwalaiwa ulwa buno bushiku.

<sup>122</sup> Nga nga Mose aile kulya ku Egipto, no kutilla, “Ukuba, twalakula icibwato icikulu. Twalaelela ukufuma muli cino calo. Nile yalaisulamo amenshi napamulu”? Bena kuti balolesha mu mufungilo; tamuli ubulayo pali ico. Ico nacilungama. Lelo, mwamona, aishibikwe nga kasesema wakwa Lesu, pantu fintu alandile fyalicitike, elintu baishibe ukuti alikwete i Cebo cakwa Shikulu. Farao alikwete imifwi, lelo Mose akwete i Cebo. Eico lintu bafikilie pa mumana, imifwi yonse yalibile panshi wa mumana; kabili Mose atolweshe Israeli umumana, pamushili wauma, pantu alikwete i Cebo, kabili aali Cebo ca ilya ora. Mose ewali i Cebo casokololwa ica ora ilya.

Eliya ewali i Cebo casokololwa ica ora ilya.

<sup>123</sup> Kristu e Cebo ica sokololwa, no bulayo bumtu Apangile. “Pakashita akanono kabili icalo tacaka Mone; lelo imwe muka Mona, pantu Nkaba naimwe, na muli imwe, mpaka kumpela ya calo. Imilimo intu Nshita naimwe mukacita.” Alilaile ifi fintu. Bushe nicinshi? Mibele yakwa Lesu ilelangisha i Cebo Cakwe, nga fintu Acitile munkulo.

<sup>124</sup> Malaki 4, Atile, “Lintu ubushiku ubukalamba ubwabipa ubwakwa Shikulu tabulaisa, moneni, Namitumina Eliya kasesema; kabili akesa bwekeshapo icicetekelo ca bana ukubwekesha kuli ba wishibo nakabili, lintu bulya bushiku tabulafika.” Alilaya ico.

125 Yesu atile, mu chapitala ya 17 muli Luka Washila, “Nga fintu caali munshiku sha Sodomu, eflyo cikaba mukwisa kwa Mwana wa muntu, lintu u Mwana wa muntu alesokololwa.” Lintu ubusokololo buleifungulula ubwine, munshiku icalo cikaba nga Sodomu, bushe cikaba cinshi? Imibele ya ilyo Ilembo lika fikilishiwa. Lesa ukuilangisha mu mibele Yakwe, imibele intu Aaba lyonse. Teti Acishe ico.

126 Inshiku shakulekelesha, Aishibikwe ukupitila mu Mwana Wakwe. Moneni ifyo Lesa acita ifi lyonse ku... nga fintu Ena ly-... Tacinjapo inshila Yakwe.

127 Aba baume batatu abalandile na Abrahamu, nga fintu twacilalanda palya, munshiku sha Sodomu.

128 Abrahamu aali umuntu uwacetekele muli Lesa. Acetekele Lesa kwi ishiwi lya bulayo Bwakwe. Sarah, umukashi wakwe, aali imyaka yakufyalwa amakumi mutanda-na isano, Abraham aali imyaka amakumi cine lubali-na isano, lintu Lesa amwitile. Atile bali nokukwata u—u mwana; Abrahamu aali nokukwata umwana muli Sarah. Kuti camoneka icabulamo ubuyo, lelo Ndeelenganya alibulile tonse—tonse utusapato utunono nabanapini, kabili nafyonse, ukupekanya, pantu bena bali nokukwata umwana uyu.

129 Panuma yanshiku shakubalilapo amakumi yabili-na cine konse konse, mulandunshi, Abrahamu limbi atile kuli Sarah ukuti, “Uleumfwa shani, wemutemwikwa?”

“Tapali ubupusano.”

“Ubukata kuli Lesa, tuli no kumukwata, nangu cibe fyo.”

“Wa ishiba shani?”

“Lesa eflyo asosa.”

Umwaka umo wapita. “Uleumfwa shani, wemutemwikwa?”

“Tapali ubupusano.”

“Tuli nokumukwata, nangu cibe ifyo. Lesa eflyo asosa.”

Imyaka isano yalipitile. “Uleumfwa shani nomba, wemutemwikwa?”

“Tapali ubupusano.”

“Tuli nokumukwata, nangu cibe ifyo. Lesa eflyo asosa.”

130 Nicinshi ico? Alikwete ubulayo bwakwa Lesa. Alicetekele Lesa, kabili alecita ifintu nga Lesa: aikatilile ku Cebo icalailwe. Cena...

131 Imyaka amakumi yabili-na isano yalipitile. Utusapato twabana twasangwike ilangi lya mutuntula, lelo aikatililefye kuli bwena. Nomba nakota, uwakontama, kabili alemonekafye cimbi cimbi; kabili icisa cakwa Sarah caalifye nge cafwa, na ena uushikwa ta abana. Kabili we mibele bena balimo!

132 “Uleumfwa shani, Abrahamu, wishi wa fyalo?” ifyo efyo bacibusa bakwe abaitunga-ukucetekela efyo balemwipusha.

133 “Ukuba, ubukata kuli Lesa, Ndeumfwafye bwino. Tuli nokukwata kalya akanya, nangu cibe ifyo.” Pantu tatelemente pa bulayo bwakwa Lesa ukupitila mukukanacetekela; lelo aali uwakosa, mukupela Lesa amalumbo, pantu aali uwashininkisha ukutila fintu Lesa alandile, Lesa ali nokubomba. Amen. Apo epali imibeke ya wacetekela.

134 Nga palwa iwe? Wamona? Nga palwa ifwe, abana bakwa Abrahamu? Bushe twaliba abaishibikwa ne Cebo cakwa Lesa, ngo bulayo, kabili twishibikilwa ku mibeke yesu fwebene, kabili twacetekela Ici? Nangu, bushe tupundafye, ukutoloka ukufuma *apa*, kabili na *apa*, na panshi *apa*, nokutunganya, kabili nokupunda ukushinguluka, palwa Ico? Nomba, tatuli bena Kristu, tuipangafye abacetekela.

135 Lelo, lintu ifwe twaiminina ku bulayo, ukucinyantilila palya pene nokwikala Naco! Abrahamu efyo acitile.

136 Nomba twasanga ukuti, ubushiku bumo amwene abaume batatu baisa, baleenda. Baibele yalilanda apa ukutila, “Caali mukubala kwa kasuba,” cifwile caali mukasuba pakati kamutwe. Aba baume baishile kabili balelanda nankwe. Natukutuluka ukuti babili baile ku Sodomu. Ndecetekela ukuti twalilanda pali ico ubushiku bwafumineko. Umo pali balya ashele nankwe.

137 Moneni uyu Muntu uwamwitile. . . uwashele nankwe, fintu ulya Muntu acitile. Umo uwaishibikwe ku mibeke Yakwe, ukuti Aali ni Elohim.

138 Elohim, ishiwi lyakubalilapofye muli Baibele, “Mu kutendeka Lesa. . .” Nomba, bonse pali imwe mwebasambi ba masambililo mwalishiba ukuti ishiwi lya *Lesa* kulya lipibula, mucu Hebere, ukuti “Elohim,” ico cilepilibula “Uwamaka yonse, uwaisulamo fyonse, uuikalila-palwakwe,” takabila ubwafwilisho kumuntu nangu umu, takabila ukumupilibwilako ku muntu uuli onse; Aibombelafye palwakwe Ummwine. Ni Lesa uwaisulamo fyonse, uuba konse inshita shonse, uwaishiba fyonse, uwamaka yonse. Ena ni Lesa.

139 Apo Ena aali. Kabili Abrahamu nomba, uyu umukalamba uwaikete i Cebo, aloleshe uyu Muntu. Kabili lintu uyu Muntu aloleshe inuma Yakwe kwi tenti, Atile, “Umukashi obe Sarah, alikwi?”

Atile, “Ali mwi hema, kunuma Yenu.”

140 Atile, “Ndi nokukutandalila ukulingana nenshita ya mweo, kabili uli nokukwata akanya kantu Nakulaile.”

141 Kabili Sarah alisekele pali ico. Kabili Umo uwalelanda nankwe, amwebele fintu Sarah alandile mwitenti, kunuma Yakwe.

142 Nomba, mu Kutendeka, mukubelenga pali ico. Twasanga ukutila, Abrahamu, panuma uyu Muntu ailangishe Umwine eka . . .

143 Bushe ico nicinshi? Aba Hebere, chapitala ya 4, iversi lya 12 lyatile, “I Cebo cakwa Lesa calitwa ukucilapo, amaka ukucila ulupanga lwatwa konse-konse, cilalingulula amatontokanyo namapange ya mutima.”

144 Aalishibe ukutila uyu Muntu aali eo. Aalishibe ukutila mucalo tamwali bakasesema kanofye ena, kabili eico i Cebo cakwa Lesa calishile kuli ena. Kabili aali ni kasesema, kabili napa i Cebo cisa kuli kasesema.

145 Cimo cine na Yohane Kabatisha. Takwali kasesema pa myaka imyanda ine. Ndeibukisha . . .

146 Limbi Dokota Davis umukalamba naikala pano, muli ino nshita yabushiku, Missioni umukalamba kashimikila waku Babtisti uwambatishe mu Cicetekelo. Aaletalikana naine. Atile, “Billy, iwe uli mwaicefye nomba. Ufwile waumfwa kuli ine.”

Natile, “Cisuma, Munyina Davis, Ndeumfwa.”

147 Atile, “Wamona, Yohane tabatishiwe. Eico ena alebatisha, lelo ena tabatishiwe; tapali uwayene ukumubatisha.” Ayo masambililo yamipepele iya ba Babtisti. “Kabili apa paisa Yesu, kabili atila nomba . . . Yohane atile, ‘Ndekabila ukubatishiwa na Imwe; ninshi Mwaishila kuli ine?’ Kabili Atile, ‘Leka cibe ifyo fine.’” Atile, “Kabili lintu ‘amwebele’ Ena,” atile, “mwamona, nomba Yesu abatishe Yohane. Kabili ninshi Afumine mu menshi, nomba imyuulu yaiswiwe kabili Amwene Lesa mumubele wa nkunda, aleikila panshi nokuya pali Ena, atile, ‘Uyu Mwana Wandu uwatemwikwa, Untu Mbekelwa ukwikalamo.’” Lelo, iyo, tekukanasuminishanya na Dokota Davis, lelo alilubile.

148 Mwamona, Yohane aali ni kasesema, kabili i Cebo lyonse cisa na kasesema. Eico nga i Cebo caishileba umubili, Caali nokwisa kuli kasesema, nangu cibe ifyo; pantu, alepela ubunte palwa Cebo, kabili ne mibelefye yakwe yamulangishe ukuba ico. Apa paisa i Cebo, nomba cinshi cacitike? Lintufye aishile isa pa cinsu cakwa Yesu, Yohane atile, “Ine ndekabila ukubatishiwa kuli Imwe; ninshi Mwaishila kuli ine?”

149 Yesu atile, “Leka cibe ifyo fine, pantu ifyo efyo twalinga ukucita (natushingamwa ifwe) ukufikilisha bonse ubulungami.” Yohane ukuba kasesema; Ena ukuba i Cebo. Aali Ilambo, kabili Aleipekanya ukwingila mubupyungishi Bwakwe ubwa pesonde, kabili Ilambo lyakabilwe ukusambwa cibe talilalangishiwa. Kabili Yohane ali Mubatishe, pantu alishibe. “Lekeni ico cibe ifyo fine, pantu tuli abashingamwa ukufikilisha ubulungami bonse.” I Lambo lyakabilwe ukusambwa cibe talilalangishiwa, kabili eico Yohane a Mubatishe. Te Yesu abatishe Yohane. Yohane abatishe Yesu. “Lekeni ico cibe ifyo fine.”

<sup>150</sup> Moneni, apa paali Abrahamu, kabili alikwete i Cebo cakwa Shikulu. I Cebo cakwa Shikulu caisa kuli ena. Aali ni kasesema. Kabili nomba apa paisa i Cebo. Amwitile, “Abrahamu,” te *Abram*.

<sup>151</sup> Inshiku shinono ninshi filya tafilacitika, ishina lyakwe lyali ni Abram—ni Abram, nomba ni Abraham. Umukashi wakwe aali ni Sari, nomba ni “Sarah,” te S-a-r-a; S-a-r-a-h. Te (A-b-r-a-h-a-m) A-b-r-a-m, lelo A-b-r-a-h-a-m, Abraham.

<sup>152</sup> Kabili uyu Muntu ailangishe Umwine eka, lintu Atile, “Abrahamu!” Oh, owe!

Abrahamu atile, “Elohim!”

<sup>153</sup> Apa pali i Cebo na kasesema, pamo, bonse babili nabeshibikwa.

<sup>154</sup> Elohim, Atile, “Bushe umukashi obe alikwi, Sarah?”

<sup>155</sup> Atile, “Ali mwi tenti, kunuma Yobe.” Kabili i...Nomba icisungusho calicitwa. Elohim! Abrahamu amwitile Ena, “uwaisulamo-fyone, Uwamaka yonse, uusangwa konse Lesa.”

<sup>156</sup> Yesu atile, lintu Aali pano pesonde, Acitile cimo cine cintu Elohim acitile. Ico calangishe imibele Yakwe ukuba Lesa.

<sup>157</sup> Kabili Atile, kunuma, “Munshiku shakulekelesha, pakwisafye kwa Mwana wa muntu, lintu Ena alesokololwa, ifi filecitika fili nokubako nakabili, nga fintu caali mu Sodomu.” Elohim pakati ka bantu Bakwe, Lesa Uwamaka yonse! Ifyo efyo Amalembo yalanda. Elohim pakati ka bantu!

<sup>158</sup> Pa myaka amakumi yane Ena alatubatisha no Mupashi wa Mushilo, Elohim, Lesa! Kabili ne chalichi. . .

<sup>159</sup> Moneni, Abrahamu alimwene icishibilo, umbi aleita; icishibilo, ubwite; ubwite, icishibilo; ukulolela ulya mwana uwalaiwa. Lelo icishibilo icakupelekesha cintu amwene, ukumonekela kwakushalikisha, ubutandashi bwakupelekesha ubwakwa Lesa lintu umwana mwaume talafika pancende, aali Elohim mumubili wa muntu. Nomba umwana mwaume uwa bulayo aisa.

<sup>160</sup> Kabili u Lubuto lwakwa Abrahamu lulelelela u Mwana mwaume uwabulayo, Yesu Kristu. Kabili balimona ifishibilo, ukupongoloka kwa Mupashi wa Mushilo, ukulanda mundimi, ukuposhiwa kwa maka ya Mupashi, nafimbipo. Lelo lintu u Mwana wa muntu alesokololwa, Elohim ali nokubwekela ku Lubuto lwa bufumu ulwakwa Abrahamu nokulanga cimo cine icintu Alangishe muli bulya bushiku, ameni, Elohim, nga fintu cali! Mulandunshi? Cena cikaba mibele yakwa Lesa.

<sup>161</sup> Nomba, nga Kristu aali ni Lesa, “Pakashita akanono ne calo tacaka Mone nakabili; libe lyena muka Mona, pantu Nkaba naimwe, namuli imwe, mpaka nakukupwa kwanshita, kumpela. Imilimo iyo Ncita na imwe mukacita pamo.”

162 Yesu alilandile ici mu—muli Luka, chapitala ya 17. Cisuma, nga twacetekela nokumona muli shino nshiku shampela, ici cacitike cili nokubwekeshapo nakabili.

163 Eico, aba Hebere 1:1 yatila “Lesa, munshita ishakale ukupitila muli bakasesema ailangishe Umwine eka, muli shino nshiku shakulekelesha alilangisha ukubuka kwa Mwana Wakwe ukufuma ku bafwa,” pakupela i Chalichi imibele imo ine intu Akwete, ukulenga aba Hebere 13:8 iyalungama bwino bwinofye.

164 Takuli amasako ayenga tolwa ukufuma kuli ico. Ayo masako yakwa kapumpe. Yena tayafuma, pantu cuni camu myuulu. [Pali tepu tapali amashiwi—Kale.] . . .bena babalisha ifyakulya fyaba kapumpe.

165 Nomba twamona ukutila, “Munshita shakale, imisango yonse, Alandile ku bafyashi ukupitila muli ba kasesema, munshiku shakushalikisha ukupitila mu Mwana Wakwe Yesu Kristu, paku Mubusha ukufuma kubafwa.” Kabili Ali pano pakati kesu, panuma ya myaka amakana yabili, Yesu umo wine, te umo pali bakasesema; Yesu, alleluya, uwabuka u Mwana wakwa Lesa!

166 Yesu atile, ubushiku bumo, Ena atile, “Inkulo iibifi kabili iya bucende ifwaya icakumwenako, kabili bakakwata icishibilo.” Inkulo iibifi kabili iya bucende. Bushe nililali icalo cabipishepo, nangu ubucende kabili iyapilibulwa bubu bubu, nga fintu caba nomba?

167 “Nga fintu cali munshiku shakwa Yona, nga fintu Yona aali mwifumo lye sabi panshiku shitatu akasuba no bushiku, ifyo fine eflyo u Mwana wa muntu alinokuba mumutima wa mushili panshiku shitatu akasuba no bushiku.”

168 Nomba, “inkulo iibifi kabili iyabucende” yali nokupokelela ica kumwenako. Cakumwenako ca musango nshi? Ica kumwenako icakubuka. Kabili twalicikwata ileelo, panuma ya myaka amakana yabili, Ena acili no mweo. Acili pakati kesu, muno munshita yabushiku, aba cimo cine mailo, ileelo, no muyayaya, ukwishibikwa Umwine eka ku mibele yakwa Lesa, ukulangisha i Cebo mubushiku buno fintu Alaile ukucita. Amen.

169 Apa pali i Cebo. Nomba bushe mwalacetekela icakumwenako? eacukonkapo, inshiku shakushalikisha, icakwishibililwako Cakwe ku Mwana Wakwe. Moneni.

170 Lesa alandile na Mose munshiku shakale. Mu Malango 18:15, yatile, “Shikulu Lesa obe akemya Kasesema uwaba nga Ine.” Nomba lolesheni. Ico Cebo. Ico Cebo. Uyo ni Lesa. Uyo taali ni Mose. Bushe Mose kuti aishiba shani ico? Ena aali muntu. Lelo Lesa, ukulanda ukupitila muli Mose, alandile ici. Bushe namucetekela ico? Cisuma.

171 Nomba moneni Yesu, lolesheni ifyo Iyakwe—Iyakwe imibele yalangishe ukuti ici Cebo calailwe cacishinka. Ena alicitile ico mucine. Aishibikwe ku mibele intu Mose atile Ena kuti aba.

172 Abengi muli bena, nga ileelo, bena bafwaya ukumona intungulushi iikalamba. “Oh, uyu ni Dokota Ph. *Wakuti-nawakuti*. Ena afuma ku Hartford University.” Nangu, “Afuma muli imo iikulu iikalamba incende iyaba ngeyo.” Ico te cakwishibilako Lesa. Iyo, iyo. Takwaba icintu kuli cena. I Cebo eco Lesa eshibikilwako. Mwamona?

173 Yesu taali kasambilila, kabili Ena taali umupatili, nangula Ena ukuba kafundisha, ku calo. Aali cisanguka, ku calo.

174 Lelo Lesa aleshininkisha i Cebo Cakwe ukupitila muli Ena, ico ca Mupangile ukuba Manuele. Ico ecali icakwishibikilwako Cakwe. Nomba, apa, Yesu ukukwanisha ici bwino bwino ifyo Lesa munshita shakale atile kuti Ena acita ico, ukupitila muli Mose, fintu Ena engacita.

175 Nomba lolesheni lintu Akumenye Petelo, nga fintu twacipangile ubushiku bwapitapo, lintu Akumenye Petelo kabili ukweba Petelo ishina lyakwe. Ici icakumwenako calangishe fintu alelanda ifya bu Messiya Bwakwe, kuli Petelo, pantu i Cebo catile, “Shikulu Lesa obe akemya Kasesema.”

176 Kabili Petelo aisa, uyo aali ni Simoni lilya, aishile palya pantu Ena aali. Kabili Yesu amuloleshe, nokutla, “Ishina lyobe niwe Simoni, kabili uli mwana wakwa Yonasi.” Ico ecalangishe imibele yakwa Kristu ukuba cilya Cebo ico Mose alaile. Petelo alishibe ukuti cilya icakumwenako calangishe Yesu nga Messiya. “Lesa aali muli Kristu,” ukusubwa kwa nshiku shakushalikhisha. Kuli Natanieli. . . Ibukisheni, Aebele Simoni ishina lyakwe.

177 Nomba, lolesheni, kuli Natanieli Amwebele ifyo acitile. “Iwe waciba mwisamba ya cimuti lintu Nacikumona.” Ico calengele Ena ukwishibikwa nga Messiya.

178 Atile, “Uli Mwana wakwa Lesa. Uli Mfumu ya Israeli.” Aishibikwe pa mibele ya calailwe i Cebo ukuti Ena aali nokuba Messiya. “Shikulu Lesa obe akemya Kasesema.”

179 Ulya namayo umunono pa cishima, Amwebele fintu aali, kabili ici ca Mulangishe nga Messiya uwalailwe. Mwamona?

180 Imibele Yakwe, imibele Yakwe, Cebo ukuba ishaishibikwa. Cali mibele Yakwe ukulangisha ukutla i Cebo caali ni Lesa, eico ico caali ni Lesa ukwishibikilwa muli Kristu. Nomba cilolesheni ici. Moneni.

181 Kuli Petelo, Aishibikwe kuli Petelo ku kumwita ishina lyakwe. Nataniele a Mwishibile ku kumweba fintu ena fintu acitile. Aishibikwe kuli namayo, pakumweba fintu ena aali. Fintu ena. . . untu *ena* aali; fintu *ena* acitile; kabili fintu *ena* aali. Ena Aishibe imibele yabu Messiya, ifyo efyali nokuba imibele yakwa Messiya.



182 Lolesheni kuli ulya namayo umunono ukulanda icintu cimo cine. “Mukwai, Ninjishiba ukuti Imwe muli ba kasesema. Tatwakatapo kasesema pa myaka imyanda. Twalikwata ama chalichi ayengi, ifyakulanda landa kabili nefyakupusana kwa filonganino, lelo tatwakwatapo kasesema pamyaka imyanda. Twalishiba ukuti Messiya nga aisa, ici ecikalenga ukuti Eshibikwe.”

183 Atile, “Nine Ena, uyo alanda kuli imwe.” Tapali icishaishibikwa bwino pali ico, “Ine ndi Ena.” Ico Ena aishibikilweko.

184 Namayo uwa bulwele bwa mulopa, amwishibile Ena ku Cebo. Munshila nshi? Pa fintu Acitile lintu icicetekelo cakwe ca Mwikete. Alipilibwike no kutila, “Nanani Ankumya?” Alishibe ukuti icintu cimo calicitike. Ico calangishe Yesu nga Messiya.

185 Alicetekele ici, kabili atile, “Nga Na ikata ifyakufwala Fyakwe, Na laposhiwa.”

186 Eico lintufye ena aikete, Alipilibwike, atile, “Nomba ninani Ankumya?” Kabili bonse balikene. Lelo imibele Yakwe iyabu Messiya. . .

187 Amen! Ndesubila namucimona ico, mwe lukuta. Kutikeni, lintu tuleisala.

188 Palya Alimukumishe. Pali imyanda, limbi, iyaleesha uku Mukumya. Petelo ali Mukalipile, atile, “Ukuba, bonse bale Kukumya.”

189 Atile, “Ee, lelo umuntu umo na Nkumya munshila iyapusanako.” Ico ebupusano, ukukumya necicetekelo. Mwamona? Atile, “Umuntu umo Nankumya. Kukumya kwapusanako. Amaka yacipwa. Ubulamba bwacifuma muli Ine. Amaka nayafuma muli Ine.” Nomba, apo Eminine.

190 Nomba, nabasambi Bakwe Umwine balelanda, mumashiwi yambi ukuti, “Ule umfwika—ukumfwika kwati Iwe uli muntu umo uwaonaika. Mulandunshi, abantu, bonse abantu bale Kwikata.”

191 Lolesheni pa Kwakwe, lolesheni pa Kwakwe ukwishibikwa nomba. Aishile pilibuka, nokulolesha mwibumba. Aishile musonta. Ena afililwe ukutwalilila ukufisama. Amwebele palwa mibele yakwe, kabili atile, “Icicetekelo cakwe ecamulengele ukupola.”

192 Alishibe, pali ici, ukutila, Abahebere 4:12 yatila, “I Cebo cilalingulula amatontonkanyo, amapange ya mutima.” Imibele Yakwe yalengele eshibikwe ukuti “Cebo cakwa Lesa icapangwa umubili no kwikala pakati kesu.” Amen.

193 Ndetontonkanya ukuti icintu cimo cine muno munshita yabushiku eci Mulenga ukwishibikwa, Yesu Kristu wabuka uuleikala pakati kesu muli ino nshita yabushiku, uwanba cimo cine mailo, ileelo, no muyayaya. Nomba, nga fintu aba

Hebere 13:8 yaba iyacishinka, imibele Yakwe ili noku Mulenga ukwishibikwa ileelo, nga filya yacitile lilya, munshila imo ine.

<sup>194</sup> Moneni kuli Kleopa na bambi, panuma yakubuuka. Yesu aishibikwe Umwine eka munshila Amokwele umukate, ico Acitilefye munshila Acitile cibe Talatanikwa. Kabili bena . . . Ico ecalangishe imibele Yakwe, pantu uyo emusango Acitilemo.

<sup>195</sup> Nomba nga cakuti Aali pano muli ino nshita yabushiku, bushe kuti Ailenga ukwishibikwa Umwine eka mumusango nshi? Nga fintu Acitile mailo, pantu Aaba cimo cine ileelo, kabili akaba no muyayaya. Ico eca kwishibikilwako. aba Hebere 4, ikumi- . . . 14 na 15, “Ena aba nomba . . .” Yatila, “Ena ni Shimapepo Mukalamba uwingekatwa nefyakumfwa fya malwele yesu.” Ena ni Shimapepo Mukalamba wesu pali ino ine nshita. Panuma kwa kubuuka Kwakwe, panuma yamfwa Yakwe, panuma kwa kushikwa Kwakwe, panuma kwa kubuuka Kwakwe, panuma kwa kusumbulwa Kwakwe, ameni, Ena acili cimo cine mailo, ileelo, no muyayaya, Shimapepo Mukalamba uwingekatwa ku fyakumfwa fyesu ifya malwele yesu. Ameni. Efyo Aaba, apa pene, ku mwaume onse no mwanakashi pano uwinga cetekela ico. Ena ni Shimapepo Mukalamba wesu, cimo cine mailo, ileelo, no muyayaya.

<sup>196</sup> Ena epo aba lyonse. Bushe namucetekela ico? [Ulukuta Iwatila, “Ameni.”—Kale.] Imibele Yakwe itwalilila ukumulangisha Ena cimo cine nga fintu Ena aali lintu aikele pe sonde. Ena acili aleikala pano, munshita ino iyabushiku, mu musango wa Mupashi wa Mushilo. Ena epo aba lyonse. Kabili ne mibele Yakwe ila mukonka Ena, pamofye ngefyo lyonse cena calecita, ilyo Ena aali acili aleikala uwa mweo.

<sup>197</sup> Ndetotela, munshita ino iya bushiku, ukuti, “Lesu, munshita shakale kabili mu misango iyalekana lekana alandile kuli bataata ukupitila muli ba kasesema, muli shino nshiku shakulekeshu alelandila ukupitila mu Mwana Wakwe Yesu Kristu.”

<sup>198</sup> Owe, Nshishibe ukutila Ninanda inshita ntali. Nindaba nako ukuti ifyo efyo cili. Mbeleleni uluse. Nale . . . Nalekela pano.

Natupepe.

<sup>199</sup> Taata mwebaba mu Myuulu, Lesu mwe ba luse ulukalamba! Shikulu, Ine—Ine . . . limbi Nacilanda pa nshita iitali. Napapa, mwe Lesu, nga Nacicita ifyo, Njeleleniko ine. Lelo, Shikulu, Nshileipusha ubwelelo pafyo Nacilanda. Nacilanda fye pafyo Mwaicilanda mu Cebo Cenu pano.

<sup>200</sup> Nomba ishiwi limo nangu yabili ukufuma kuli Imwe, Shikulu, limbi umuntu onse pano alamona ico muli ino nshita yabushiku. Abanono, abantu abalwele bala undapwa ilyo bena bamona ukutila Imwe mucili fye Shimapepo wesu Umukalamba. Napapa, Shikulu, muli aya ama mineti yanono ayalakankapo, ukuti Mwalalenga iyi Mbila ukuba iya mweo nakabili mu

cakucitwa icituntulu. Kuco Ine nandile ukupitila mu Cebo, lekeni imibele Yenu ilangishe Imwe pakati kesu, munshita ino iyabushiku, ukutila Imwe mwaba cimo cine mailo, ileelo, no muyayaya, pantu nimwi Shina lyakwa Yesu emo ifwe twaipushisha ico. Amen.

<sup>201</sup> Pakashita fye nomba. Ifwe, Ine—Ine nincelwako panono, lelo bushe kuti imwe mwashipikishako pakashita akanono uku kwatako ukupepa ukunono ukwa mumulongo pali ba mineti ikumi nayasano, amakumi yabili? Ngacakuti kuti mwacita, imyeniko ukuboko kwenu, mutiile, “Ifwe. . .” Cisuma, natotela—natotela imwe. Nacilaya ukumilekelako pa naini-sate. Iyo nshita ya fika nomba; yena yaba ama mineti twente ilyo tailafika. Eico nga cakuti mwampelako ama mineti ikumi, Naala angufyanyako.

<sup>202</sup> Natumone, ifitupa fyakupepelwapo ayo bapele ileelo? [Munyina atiila, “O.”—Kale.] O? Cinshi, nipesa twatampile ubushiku bwafumineko, umo, umo? [“Ndetontonkanya ukuti ni pali umo.”] Ee, uh-huh.

<sup>203</sup> Kabili nomba ifwe, ubushiku bwafumineko, ifwe twa. . . Mupashi wa Mushilo. . . Nacilakutika ileelo, noku bwekeshapo ifyo ifyalandilwe. Yamo mashina ya mucu Frenchi, Nali. . . U Mupashi wa Mushilo; enshila fye imo Ninga citilamo ico, loleni fye no kumona.

<sup>204</sup> Mwamona, inshita shimo lintu ilyo mwamona icimonwa, cena cifwile capilibulwa no kupilibula. Cena cifwile capilibulwa. Icionwa, ngefyo imwe kuti—imwe kuti mwamona i—i mpaanga, ico kuti capilibula amasako. Mwamona, imwe mufwile mwakwata pamo ukupilibulwa kwa ico, mwamona, kabili nokupilibula cilya cimonwa kabili ukutwala umo cilolele.

<sup>205</sup> Kabili Nalimona ubushiku bwafumineko, Ine—Ine nshashibe ifya kulanda yalya amashina yamu ni Frenchi, Na lepundafye ifilembo.

<sup>206</sup> Mu Africa kabili noku shinguluka kulya kuma Hottentots naba senshi, nefintu, Calebafye ukupunda amashina yabo mufilembo, nokubeba ifyo baba, ukulanda bwino ifilembo mu lulimi lwabo. Bena, bena baleishiba ifyo cili, lilya linefye walanda lyena. Lelo, mwamona, lelo Ena alishiba shonse indimi. Ena ni Lesa wa Muyayaya.

<sup>207</sup> Natutampile munshita ino iyabushiku ukufuma, tutiile, pa makumi cine lubali-na isano, ukufika pa mwanda umo, mu O. Bushe O, efyo ena acilanda? Ine. . . [Munyina atiila, “Ee. O.”—Kale.] O, O. Ee. Cisuma. Ninani uukwete icitupa cakupepelwa, amakumi cine lubali na isano natumone yena? Mu O, icitupa caakupepelwa O, amakumi cine lubali na isano, imyeni ukuboko kwenu, onse uukwete iyo. O. Cisuma. Iseni *pano pene*. Amakumi cine lubali-na isano, amakumi cine konse konse, amakumi cine konse konse-na isano, amakumi pabula,

amakumi pabula-na isano, umwanda umo, iseni *uku* lubali nga kuti mwacita ico. Cisuma, cena, tantameni pano pene, mukwangufyanya, pantu tatukwete inshita. Ine nalecetekelafye ukuti mwalacita ico.

208 Lolekesha pa citupa cobe icakupepelwapo. Lolesha napa citupa cakwa mwina mupalamano obe. Ni na...Kabili nga cakuti umo untu alemana, musesheni nokumutwala mu mulongo wakupepelwamo. Eico nga cakuti bakwete O, nga O fye, amakumi cine lubali-...

209 Amakumi cine lubali-na isano ukufika ku mwanda umo, tantameni *pano*, ngakuti kuti mwacita ico. Ponsefye apo muli, pa muulu muncende shakwikalamo isha pa muulu, nakonsefye uko, ikileniko panshi, kabili iseni mu mulongo mukwangufyanyako, ngakuti mwacita ico, pakuti twasungako inshita.

210 Nomba mwebashala pano, mweba shikwete ifitupa fyakupepelwapo, imyeniko amaboko yenu nokulanda ukuti, “Ine nshikwete ifitupa fyakupepelwapo, Muniyina Branham, lelo Ni nceletela?” Imyeniko amaboko yenu.

211 Nomba ibukisheni, Nalanda kuli imwe palwa kwa Shimapepo Mukalamba. “Ena ni Shimapepo Mukalamba untu wingekata ukupitila mu myumfwile ya mafya yesu.” Ena ni *Yehovah-Kapela*, “ilambo lyakwa Shikulu ilyapelwa.” Ena ni *Yehovah-Kondapa* “Shikulu uundapa amalwele yenu yonse.” Bushe imwe namu cetekela ico? [Ulukuta lwatiila, “Ameni.”—Kale.] Ena ni *Yehovah-Manasseh*. *Kacingilila, icakucinga, umutende* wesu, Ena acili. Ukuba, nibanga abacetekele ukuti yonse ayo amashina ya bulubulo ayakwa Yehovah eyabikilwe pali Yesu? [“Ameni.”] Icine cine, Ena efyo aali. Nga Ena—nga Ena...Mulandu nshi, bena tabapatukana, eico Ena aali fye fyonse. Kabili nga cakuti Ena acili Yehovah-Kapela, Ena ni Yehovah-Kondapa. Nga Ena ni Yehovah-Kapela...Ena ni *Yehovah-Kapela*, ni “Shikulu ilambo ilyapelwa ilye pusukilo,” ninshi Ena ni *Yehovah-Kondapa* uyo “kondapa wa malwele yesu yonse.” Ameni. Ukundapwa kuletwa fye na Lesa.

212 Cisuma, ilyo abantu batanteme mu mulongo; Nshi kwete inshita iyakwishiba ifyo baali kabili bena ni bani. Lelo nomba, bonse uko abeshibe ukuti Ine nshibeshibe, imyeniko amaboko yenu, mutiile, “Ine ninkwata icakukabila imwe Lesa. Lelo ine taunjishibe, Muniyina Branham, lelo Ninkwata icakukabila Lesa. Ine nalaimyako fye ukuboko kwandi.”

213 Nomba nga kuti mwatushako pama mineti ayanono, moneni, mube abaibukila, mube tondolo. Nomba Nshilepilibula, lintu Natiila, “mube tondolo,”...Nga cakuti Shikulu acita icili conse, mulefwaya ukulumbanya Shikulu; ico kupepa. Lelo ico Ndepilibula, “kubutukakofye, waima wa imininako,” imwe namwishiba, uyo te mucinshi. Mwamona? Kabili Mupashi wa

Mushilo alaibweshamo, alaibweshamo nganshi. Mwamona? Icili conse ngefyo, cinenga ine, kabili Ine mfwile ukulwa nomba, nakabili, mwamona. Lelo nga imwe mwaumfwa!

214 Imwe muleibukisha ubulayo Bwakwe ubwakubalilapo? “Ukalenga abantu ukucetekela iwe, kabili nomba ukuba uwacishinka, takuli icikalesha ipepo.” Iwe uleibukisha ico? [Ulukuta lwatiila, “Ameni.”—Kale.] Ico nacilungama. Kabili ico... Ine nshilati namonapo cafilikwa, kabili cena tacakafilikepo. Cena ni Lesa.

215 Nomba twalaendeshako no mulongo wakupepelako, pakuti twinga kwata abengi ukwisa mukwangufyanya nga fintu tulefwaya, ukukonka na bantu. Lelo imwe mwebo ifitupa fyakupepelwapo kabili tamwitilwe muno nshita yabushiku, sungeni ifitupa fyenu, twalamwita ukwisa. Cisuma.

216 Nomba imwe mwebali uko mweba shikwete ifitupa fyakupepelwapo, ibukisheni. Nangu, imwe mwebali uko, nangu namukwata ifitupa fyakupepelwapo nangu iyo, mucetekelefyeye ukuti Ena aali ngamu ba Hebere chapitala 4 pano. “Ena ni Shimapepo Mukalamba uyo uwinga kumishiwa ne myumfwile ya mafya yesu yonse.” Moneni nga kuti Ena abelelela. . . Moneni nga cakuti Jehovah ailangisha Umwine eka pakati ka bantu Bakwe, nga fintu Acitile mu nshiku sha Sodomu. Cisuma.

217 Cisuma, mukwai. Nomba natupepe, nomba, beni abamucinshi icine cine. Nomba ibukisheni, i Cebo ukufuma kuli Lesa lyali cilapo pafyo umuntu uuli onse engalanda. Nomba uyu mwaume pano, Ine—Ine nshamwishiba. Kabili Ndetunganya ena ni. . . Iwe uuli mweni kuli ine, teifyo, mukwai? [Munyina atiila, “Ee.”—Kale.] Iwe uuli mweni. Twaishiba icintu cimo, ukuti ifwe bonse babili tukeminina Mukubapo kwakwa Lesa mubushiku bumo; nga bantu, tukakumana Kulya. Uno emuku wesu uwakubalilapo ukukumana.

218 Nomba nga iwe waisa kuno, nga cakuti naulwala, Nshishibe; cena limbi kuti caba icintu cimbi, mwamona. Lelo nga Ine—nga Ine nabika amaboko pali iwe, natiila, “Lumbanya Shikulu! Kabiye, pola.” Ico ninshi cisuma. Iwe kucetekela ico. Lelo nga cakuti Akweba icilubene naiwe? Nomba, mwamona, ico nacipusanako, nomba iwe kuti waishiba ukuti ico cilelangisha imibele Yakwe. Mwamona, ico teti cibe imibele yandi. Ine ndi muntu; Ine tekuti njishibe icintu nangu cimo palwa ena. Ine nacimwebafye ena ukuti, “Nshi kwishibe iwe.” Naena tanjishibe ine. Lelo cinshi calacita ico? Ico calalangisha imibele yakwa Yesu Kristu uwaba cimo cine mailo, ilelo, kabili no muyayaya. Ukwishiba ukuti ico teine, teine, pantu Ine nshimwishibe uyu mwaume. Nala imya ukuboko kwandi; *pano* ici e Cebo. Mwamona? Ine nshimwishibe ena. Naena tanjishibe ine. Lelo mibele yakwa Yesu Kristu. . .

219 Nga cakuti Yesu ewaiminine pano, kabili ena nalwala, nga kuti atiila, “Shikulu Yesu mposheni ine,” cinshi ico Yesu engalanda kuli ena? “Ine kale nincita ico.” Bushe ico cisuma? [Ulukuta lwatiila, “Ameni.”—Kale.]

220 “Ena alilashilwe pafya membu shesu; mu fipumo Fyakwe emo twapolela.” Ubulubulo bonse ubo twali nokukwata bwapwilile pa Kalbale. Ukufuma palya ukuya ku ntanshi, cena cicetekelo, ukucetekela umulimo uwapwa. Bushe ico cisuma? [Ulukuta lwatiila, “Ameni.”—Kale.] Cisuma.

221 Nomba, nomba nga cakuti Yesu wa mweo, kabili na Ine nalilanda pa Cebo Cakwe. . . Mwaumfwa imwe, ukubwelela kuli uku ukuicefya ne cicetekelo, ukucetekela i Cebo Cakwe. Lintu Ankumenye bulya bushiku, Ena atiile, “Ukesa fikilisha ukuti iwe ukalaishiba nefyankama fya mitima yabo. Bena ngabakana ukucetekela cilya cishibilo ca kuboko, bena bakacetekela ico cimo.” Mwamona? “Ngabakana ukucita ico, ninshi fitiipu fya mulopa ifye sonde.”

222 Pamo fye ngafintu cacitike mu nshita yakwa Mose. Atiile, “Ngabakana ukucetekela ifyakumwenako fibili, ninshi nomba ukapongolwela umulopa pe sonde,” mwamona, “ukapongolwela amenshi pa mushili, yena yakasanguka umulopa.”

223 Nomba ukufwailisha fye, nga Nalamona ifyo ubwafya bobo buli, ico calakusekesha nokukulenga iwe ukucetekela, bushe tacacite ifyo cena? [Munyina atiila, “Icine cine.”—Kale.] Nawishiba cena cifwile cabafye imibele ya Muntu Nde landapo, Yesu Kristu.

224 Uyu mwaume, ilyo Naloleshe pali ena, abwelele kunuma. Ena alishingulwike. Takuli ico umuti wingaba ubwafwilisho kuli uyu mwaume. Ena aali mumibele yakufwa. Cisuma. Ena aali bombelwe, nokubombelwa kwali kwepwa londa. Lyena lipwa londa, kabili nepwa londa lyalisalangana monse muli iwe. Nga cakuti ico na cilungama, imyako ukuboko kobe. Ni Lesa fye epela ewinga muposha ena. [Munyina atiila, “Alleluya! Alleluya! Alleluya!”—Kale.] Lelo, lolesha, Ndefwaya ukulanda icintu cimo kuli iwe, mukwai. Ulya ciwa limbi aalifiseme ku mwele wakwa dokota, lelo ena teti afisame ukufuma kuli Lesa. Bushe naucetekela ico? Bushe naucetekela cena? [“Oh! Oh!”] Nomba Ine napepa ukuti, mwi Shina lya Yesu Kristu, ico cintu nacifume pali iwe, lekeni uyu mwaume abe no mweo. Tapali nangu cimo; aumfwa ukunaka. Cisuma.

225 Imwe na Ine tuli beni kuli cila umo no munankwe, umwaume no mwanakashi tukumenefye. Nomba, ngo muntu, Ine nshimishibe imwe. Kabili limbi, ngo mwanakashi, iwe taunjishibe ine; ukucila limbi mwaumfwafye ishina lyandi, nangu icikope, nangu icintu cimo muli uyo musango. Lelo tatwaishibana umo no munankwe. Iyo emibele yesu. Ifwe tatwishiba imibele yaumo nomunankwe. Lelo imibele yakwa

Kristu, Ena ni Cebo, kabili i Cebo eco batulaya ica buno bushiku. Imwe mwalyumfwa ine ndelanda pali cena. Nomba imibele Yakwe eile mulangisha Ena pano. Teine ukumwishiba Ena. Ine nshamishiba imwe. Imwe mwaumfwa. Mwe—mwe lukuta lwesu umfweni ico? [Ulukuta lwatiila, “Ameni.”—Kale.] Mwamona? Ine—Ine ndi muntu. Ndi munyina wenu.

<sup>226</sup> Ngo mwanakashi pa cishima, landa icintu cimo icilubene, icintu cimo nacilubana na iwe, nangu ico ulefwaya, nangu ico iwe ukonkele pano. Leka Lesa abe kapingula wa ico. Iwe ulelwala ukupwa kwa mulopa. Ico nacilungama, bushe teifyo? [Nkashi atiila, “Ee.”—Kale.]

<sup>227</sup> Ine—Ine lyonse ndakomaila pali ico, umuntu umo kuti atontontokanya ukuti Nacitunganyafye ico. Nshacitunga ico. Iyo. Umuku umo mukashita, Ndacumfwa ico, umuntu umo. Iwe tekuti ufise amatontontokanyo yobe. Nomba apo palipo, Ninjishiba, babili bakapumya abene bene na bekala pano. Mwamona? Eico nomba ibukisheni Ine kuti nalumbula amashina, pamo, Lesa kuti acita ico, eico lekeni uku tontontokanya ifyo. Lekeni milange imwe.

<sup>228</sup> Lolesheni pano, namayo. Ndelolesha ine. Nshishibe ico Ena acikweba, lelo Ine—Ine ninjishiba ifyo Ena aba. Kabili iyo emibele Yakwe iyalangwa. Ee, wena musango wakubulisha umulopa, umulopa, amenshi.

<sup>229</sup> Nomba, pano, palipo icintu cimo. Moneni nga cakuti bena baletontokanya ici cakutunganya. Naukwata umwana untu ulepepelapo, uyo uuli pano. [Nkashi atiila, “Ee.”—Kale.] Ico nacilungama. Ena nakwata mumukolomino wakwe, [“Ee.”], ifilonda, ifilonda fyapa mukoshi. Ena alefwaika ukuya mubombela. Bushe ico tacilungeme? [“Ee.”] Bula ako akatambala nokubika pali ena, kabili ucetekele. [“Ee.”] Witwishika. Cena tacilekabilwa no kubombelwa. Nomba cetekela no mutima obe onse.

<sup>230</sup> Muli shani? Icintu icilipo ici, nipalwa uyu mwanakashi pano, ukuti iwe uli no mwenso palwa cintu cimo. Iwe uletiina ukuti icibala ca cifyalilwa nacinguka ipwa londa. Uh-huh, uh-huh. Nomba kabiye, naucetekela, kabili cena tacili no kuba muli uyo musango. Kabiye fye, ukucetekela no mutima obe onse. Imibele, te yandi; yakwe Ena!

<sup>231</sup> Bushe mwacetekela nomba? [Ulukuta lwatiila, “Ameni.”—Kale.] Ico cifwile calenga umuntu onse ukucetekela. [“Ameni!”]

<sup>232</sup> Nomba, Nshikwishibe iwe. Ine ndi mweni kuli iwe. Lesa eukwishibe. Bushe naucetekela ico. . . ? Nawishiba ukuti Nshikwishibe, kabili na iwe nawishiba ukuti nshikwishibe, eico bushe nawishiba ukutila uyu u Mupashi uleelanda te mupashi wandi? Pantu, ine, ngo muntu, Nshikwishibe iwe. Lelo imibele ya Cebo icalaiwa ico e Cebo ico icaatwa ukucila ulupanga lwa

twila-kubili kubili, kabili no kulingulula amatontonkanyo ne fya mukati ka mutima.

233 Iwe uuli mulwele nganshi. Iwe waalikwete ubwafya bwa banakashi, ico caali cisa, kabili ilyo icisa calikwata ipwa londa. Kabili iwe waliya ukuti ba kundape, kwena kwali kundapwa kwakubomfya icamalaiti, kabili icintu cimo cacitile kusalanganya bwena ukuya monse muli iwe. Kabili uuli nokufwa—iwe uuli nokufwa nga cakuti Lesa takundepe. Ico cacine. Bushe naucetekela nomba ukuti Ena alekundapa iwe? [Nkashi atiila, “Ee.”—Kale.] Leken Lesa wamu Myuulu akalipile uyo ciwa uyo ulefisama kuli dokota. [“Oh!”] Ena limbi alifisama kukundapa kwa malaiti, lelo tekufisama ukufuma kuli Mupashi wa Mushilo. Kabiye, umucetekele Ena, nomba, nkashi. Witwishika nakalya, lelo ucetekelefy.

234 Bushe naucetekela ukuti Lesa kuti aposha uyo musango wacifuba ukufwasa, kabili nokukundapa iwe? [Munyina atiila, “Ee.”—Kale.] Iwe wacetekela ico? Nomba bwekelamo munshila yobe, ulesangalala, uletiila, “Natotela Imwe, Shikulu. Nincetekela ukufwasa kwa cifuba kwandi nakupwa.”

235 Muli shani? Iwe uuli no mwenso. Waliba no mwenso panshita itaali. Mukati umo, cena calilenga ne filonda ukwisa mumala, ico icilenga iwe—mu mala yobe ukukwata ubwafya. Kabili iwe ulefwaya. . . Iwe ukulya icakulya ca cungulo bushiku cobe? Bushe walacita fintu Nalakweba ukucita? Kabiye, uleye, mwi Shina lyakwa Shikulu Yesu.

236 Bushe naucetekela no mutima obe onse? [Nkashi atiila, “Nincetekela.”—Kale.] Iwe uuli namayo umwaice umusuma, efyo ulemoneka ukuba. Bushe naucetekela ine ukuba umubomfi Wakwe? [“Ameni.”] Bushe naucetekela imibele Yakwe ukuba pano, pamo, . . . i Cebo, Cena palwa ciko, kabili no bulayo bwa buno bushiku, “Iyi imilimo iyo Ncita naimwe muli nokucita pamo”? [“Ameni.”] Ine nshiposha. Ena aali cita ico kale; lelo imibele Yakwe emulangisha Ena, kuti alanda onse icilubene na iwe. Iwe naukwatera ubwafya bwakwa namayo, ubwafya bwa canakashi. [“Ee, mukwai.”] Bushe naucetekela ukuti Lesa naundapa bwena nomba? [“Ee. Ameni.”] Bwelelamo mu nshila yobe, cena cila kusakamika na kabili. Cetekela no mutima obe onse.

237 Bushe naucetekela ine ukuba umubomfi Wakwe? [Nkashi atiila, “Ee, mukwai.”—Kale.] Nga Lesa anjeba ifyo ubwafya bobeli, bushe walacetekela ukuti emibele yakwa Yesu Kristu? Cena cili munuma yobe. Cena tacilipo na kabili. Kabiye, cetekela no mutima obe onse. Cetekela.

238 Isa, namayo. Naiwe pamo naukwatera ubwafya bwa mumala. Cetekela no mutima obe onse, kabili kabiye nokulya icakulya cobe ica cungulo bushiku. Ulabeko kuli cena. Yesu Kristu nakuposha.



239 Isa. Ubwafya bobе mulopa obe. Ubulwele bwa shuka ukunina. Bushe naucetekela ukuti Lesa alakuposha no kukundapa iwe kuli ico? Bwelelamo, nokutila, “Natotela Imwe, Shikulu Yesu,” cilakulenga waba bwino. Bwelelamo, cetekela no mutima obe.

240 Isa. Inuma yobe, bushe naucetekela ukuti Lesa alaundapa inuma kabili nokukuposha? Bwelelamo mu musebo obe, no kusangalala, kabili nokulanda, “Natotela Imwe, Shikulu Yesu.”

241 Naiwe pamo naukwata icintu cimo icilubene munuma yobe. Twalililapo fye ukwenda, ulelanda, “Natotela Imwe, Shikulu. Nimpola.” Cetekela ico no mutima obe onse.

242 Iwe pamo naukwata ubwafya bwa mumala. Cinshi ico waishibapo palwa ico? Cetekela no mutima obe onse nomba, kabili bwelela mu nshila yobe no kupola. Cetekela Yesu Kristu nokuposha. “Nga cakuti wacetekela, ifintu fyonse kuti fycitwa.” Cisuma.

243 Nga cakuti Nshilandilepo icintu nangu cimo kuli iwe, napitafye no kubika amaboko pali ena, bushe ulecetekela ena kuti apola? Bena bamona icilubene. Bushe naucetekela ena kuti apola? Isa pano. Natamfya uyu ciwa, mwi Shina lyakwa Yesu Kristu. Lekenі amaka yakwa Lesa yondape uyu umwana. Ameni. Witwishika, witwishika nakalya, kabili ena alapola. Cetekela no mutima obe onse.

244 Nga cakutila Lesa takundepe, iwe ukaba no nkonto ubushiku bumo, pa kukalipa kwa molu. Lelo naucetekela ukuti Lesa naundapa ukufimba kwa molu yobe? Nomba kabiye, ulande ukutila, “Na Mitotela, Shikulu. Ine na Mucetekela, kabili Imwe mwamposha.” Cisuma.

245 Isa nomba. Yena icine cine ninkulo yobe. Iwe uuli no mwenso nokusakamana pakalamba. Wakwe umwenso nokusakamana mukupwa kwa cungulo bushiku. Lintu ulebomba ne fintu fimbi, iwe icine cine uuli no mwenso nokusakamana. Wacetekela nomba? Cena tacakusamike na kabili. Bwelelamo munshila yobe, ulelanda, “Na Mitotela, Shikulu Yesu.”

246 Iseni, mukwai. Bushe naucetekela ukuti nikondapa wa bwafya bwa mutima? [Munyina atiila, “Ee.”—Kale.] Alaposha umutima wenu? Twalilileni ukwenda, mulelanda, “Na Mitotela, Shikulu. Nacetekela no mutima wandi onse.”

247 Lesa nikondapa wa bulwele bwacifuba ca Ntanda Bwanga, kabili alaposha, pamo. Bushe namucetekela ico, mukwai, no mutima wenu onse? [Munyina atiila, “Nincetekela ico.”—Kale.] Cisuma. Bwelelenimo munshila yenu no kulasangalala, mulelanda, “Natotela Imwe, Shikulu Yesu.”

248 Nga imwe mwebali uko, bushe na mucetekela? Nga imwe mwebumba? Imwe bamo mwibumba cetekeleni nomba.

249 Uyu muntu uwikele pamo nomba, ne cifuba icifwasa, bushe naucetekela ukuti Lesa alaundapa ubwafya bwanshila yakupemenamo? Cisuma, iwe pokelela ico wipwishe, nomba. Amen.

250 Uku butukisha kwa mulopa, uyu uwikele ukukonka panuma yakwa uyo apo. Bushe naucetekela ukuti Lesa alaundapa ukubutukisha kwa mulopa obe? Cena cafumapo pali imwe, mukwai. Ine nshibeshibe bena, nshabamonapo mu mweo wandi ine.

251 Ndetiila, mukwai, bushe na mucetekela ukuti uko ukutwinya mu minofu yenu, ukutwinya kwa mishipa yamu minofu, bushe namucetekela ukuti Lesa alamiposha kuli ico? Nga namucetekela? Imyeniko ukuboko nga imwe namucetekela. Cisuma.

252 Abakashi benu abekele palya, bali abasakamana pa bwafya bwa kwenda kwa mwela ku cipanga cakunuma ya mona. Bushe naucetekela calafumapo pali iwe, pamo, nkashi?

253 Namayo uwikele ku numa yesu palya, nakwata ubwafya bwa mishipa ya mumubili ukukanaya bwino bwino kuli bongo bongo. Bushe naucetekela ukuti Lesa alaundapa ubo ubwafya bobo, namayo?

254 Pano pali na mayo ne koti kinono lya kashika nafwala, pano. Ena ekele palya. Ena nakwata ubwafya bwa kwenda kwa mwela ukuyaku cipanga kunuma ya mona, pamo. Bushe naucetekela ukuti Lesa alaundapa ubo bwafya bobo? Imyako ukuboko kobe, nga wacetekela ico.

255 Umuntu onse uuli muno uyo ulecetekela ukuti imibele yakwa Yesu Kristu iili pakati kesu, muli ino nshita ya bushiku, imyako ukuboko kobe, landa ukutila, “Ine nincetekela ico.” [Ulukuta lwasangalala no kutiila, “Ine nincetekela ico!”—Kale.]

256 Imwe bonse mwebali muno, mweba Mu pokelele nga kondapa, iminineniko pa makasa yenu, no kutiila, “Ine nincetekela ico.” Imyeniko. Iminineniko, fumeni mu mipando yenu, conse cintu cili. Yesu Kristu uwaba cimo cine mailo, ileelo, no muyayaya. Namupela kuli imwe, mwi Shina lyakwa Shikulu Lesa.



*LESA UKUILANGISHA UMWINE EKA NE MIBELE YAKWE* BEM64-0320  
(God Identifying Himself By His Characteristics)

Iyi Mbila na Munyina William Marrion Branham yaletelwe intendekelo mu Cingeleshi pali Cisano mu cungulo bushiku, muli Kutumpu 20, 1964, pa Denham Springs High School mu Denham Springs, Louisiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2021 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)